



FEDERATA E BASKETBOLLIT TË KOSOVËS
KOSOVO BASKETBALL FEDERATION
KOŠARKAŠKI SAVEZ KOSOVA



FEDERATA E BASKETBOLLIT TË KOSOVËS
KOSOVO BASKETBALL FEDERATION
KOŠARKAŠKI SAVEZ KOSOVA

LIGAT E KATEGORIVE TË REJA

PROPOZICIONET E GARAVE

EDICIONI GARUES 2018/2019

Bordi i Federatës së Basketbollit të Kosovës në mbledhjen e mbajtur më _____ konform nenit 3 dhe 6 të Rregullores së Garave të FBK-së dhe me propozim të Komesarit të Garave, miraton tekstin e

PROPOZICIONEVE TË GARAVE PËR EDICIONIN GARUES 2018/2019

Neni 1. Dispozitat themelore

1.1. Këto Propozicione rregullojnë në mënyrë unike marrëdhëniet ndërmjet gjithë pjesëmarrësve në sistemin e garave nën organizim të Federatës së Basketbollit të Kosovës (FBK-së).

1.2. Të gjitha garat zhvillohen nën autorizimin e Bordit të FBK-së.

1.3. Të gjitha klubet pjesëmarrëse në sistemin e garave janë të obliguara t'i lexojnë këto propozicione dhe të bashkëpunojnë me të gjitha organet e FBK-së. Asnjë klub pjesëmarrës në garat e organizuara nga ana e FBK-zë nuk guxojnë nën asnjë rrethanë:

1.4. Që të refuzojë ndeshjen apo të lëshojë fushën e lojës pa përfunduar ndeshja.

1.5. Që të refuzojë pjesëmarrjen, apo të lëshojë - braktisë, ceremonialin e hapjes, mbylljes apo ceremonialin e shpalljes së fituesit dhe ndarjes së medaljeve dhe dhuratave.

1.6. Që të sillt në mënyrë jokorrekte dhe ofenduese me çka do të ndikojë në zhvillimin normal të garave, funksionet oficiale (zyrtare) të garave apo ceremonive.

Na rast të shkeljes së këtyre dispozitave, Komesari i garave merr vendim për suspendim të menjëhershëm të klubit apo individit gjer në marrjen e vendimit nga ana e Komisionit Disiplinor të FBK

Neni 2. Komesari i Garave, Aktet normative

2.1. Organi themelor i cili udhëheqë me garat është Komesari i Garave i FBK-së, të cilin e emëron Bordi i FBK-së.

2.2. Duke i udhëhequr garat, Komesari i Garave do t'i zbatojë këto Propozicione, Rregulloren e Garave, të FBK-së, Rregulloren Disciplinore, aktet tjera normative të FBK-së si dhe aktet e FIBA-s.

Neni 3. Dokumentet si shtojcë e këtyre Propozicioneve

3.1. Për çdo sezon garuese publikohen shtojcat e këtyre Propozicioneve të cilat përmbajnë:

3.1.1 Listat e klubeve anëtare të ligave;

3.1.2. Kalendari i garave;

3.1.3. Sistemi i garave,

3.1.4. Lista e gjyqtarëve;

3.1.5. Lista e vëzhguesëve; dhe

3.1.6. Lartësia e taksës, mëditjes dhe rrugës për kryerjen e funksionit të gjyqtarëve, vëzhguesëve dhe gjyqtarëve ndihmës.

Neni 4. Rregullat zyrtare të basketbollit

4.1. Garat në FBK do të zhvillohen me zbatimin e Rregullave zyrtare të basketbollit, të cilat i publikon Federata Ndërkombëtare e Basketbollit – FIBA, Rregulloret e FIBA, me zbatimin e këtyre Propozicioneve të Garave, Rregullores Disiplinore, Rregullores së Garave dhe akteve tjera në fuqi si dhe vendimeve të FBK-së.

Neni 5. Sistemi i Garave

5.1. Sistemin e garave dhe mënyrën e plotësimit të ligave e miraton Bordi i FBK-së.

Neni 6. Kalendari i Garave

6.1. Kalendarin e garave, ndryshimet dhe plotësimet në të gjitha nivelet i përcakton Bordi i FBK-së me Propozim të Komesarit të Garave.

6.2. Kalendari i Garave nuk mund të ndryshohet përveç nëse është në interes të përzgjedhjeve nacionale apo në rast të pjesëmarrjes së ekipeve në nivel më të lartë të garave – që gjithashtu është me interes të veçantë.

Neni 7. Numri i ekipeve - skuadrave pjesëmarrëse

7.1 Numri i ekipeve në liga veç e veç si dhe e drejta e garimit në sezonin 2018/2019 iu takon ekipeve në bazë të suksesit të treguar në sezonin 2017/2018. Të drejtë garimi kanë vetëm klubet të cilat i kanë përmbushur obligimet financiare ndaj FBK-së, numri i të cilëve caktohet me Vendimin e Bordit të FBK-së.

7.2. Klubet në garat shtetërore (U18, U16, U14 dhe U12) janë të obliguara që t'i pranojnë dhe t'i zbatojnë Propozicionet e Garave, sistemin e garave si dhe aktet tjera të FBK-së.

7.3. Në garat shtetërore klubet paraqiten nën emrin zyrtar, gjegjësisht nën emrin e tyre regjistruar. Pranë emrit zyrtar, klubet mund të përdorin edhe emrin e sponsorizuesit dhe atë në gara, medime, në punët komerciale dhe rastet tjera për të cilën do të lajmërojë **Komesarin** e Garave.

7.4. Me vendim të posaçëm të Bordit të FBK-së përcaktohen ekipet të cilat do të marrin pjesë në gara ndërkombëtare.

Neni 8. Tërheqja e shortit të numrit garues

8.1. Para fillimit të sezonit të garave, bëhet tërheqja e numrit të ekipit për garat e Ligës.

8.2. Tërheqja e shortit bëhet në praninë e përfaqësuesve të ekipeve të cilat marrin pjesë në ligën për të cilën tërhiqet shorti.

Neni 9. Palestrat dhe terminet për zhvillimin e ndeshjeve

9.1. Çdo klub është i obliguar që më së largu **14 ditë** para fillimit të garave të paraqes **palestër** në të cilën do t'i zhvillojë ndeshjet si vendës **dhe vërtetimin/marrëveshjen për përdorim të palestrës.**

9.1.1. Skuadra vendëse është e obliguar të bëjë paraqitjen e vendit, ditës dhe orës së zhvillimit të ndeshjes më së paku **72 orë** para zhvillimit të saj. Paraqitja me shkrim i bëhet Komesarit të Garave në adresën elektronike, juniorkomesari@basketbolli.com, komesari@basketbolli.com.

9.2. Ndeshjet zhvillohen sipas kalendarit të garave të përcaktuar më parë për çdo ligë veç e veç dhe atë: për U18, U16, U14 dhe U12.

SUPERLIGA U18, LIGA UNIKE U18

SUPERLIGA U16, LIGA UNIKE U16

LIGA U16 VAJZAT

LIGA U14 LINDJE /PERËNDIM

LIGA U 14 VAJZAT

LIGA U12 LINDJE/PERËNDIM

9.2.1. Terminet e fillimit të ndeshjeve **për gara kampionale** mund të jenë:

Dita: E PREMTE,

Fillimi i ndeshjes: **18:00-20:00**

Dita: E SHTUNË dhe E DIEL:

Fillimi i ndeshjes: 11:00-20:00

9.2.2 Terminet e fillimit të ndeshjeve kampionale dhe të Kupës të cilat zhvillohen në mesjavë:

Dita: E MARTË, E MËRKURË, E ENJTE,

Fillimi i ndeshjes: 10:00 – 20:00

9.3. Ndeshjet mund të zhvillohen edhe në termine tjera, me lejin e Komesarit të Garave:

9.3.1. Për transmetimin e ndeshjeve në TV (bazuar në kontratën me ArtMotion).

9.3.2. Me marrëveshje të ekipeve në mungesë të terminit. Nëse kërkohet që kjo ndeshje të zhvillohet jashtë javës së rregullt sipas kalendarit të garave, e njejta **DUHET** të zhvillohet (me lejin e Komesarit të Garave) para fillimit të javës së ardhshme kalendarike për shkak të mbarëvajtjes së rregullt të garave.

9.4. Në rast të dënimit të shqiptuar dhe suspendimit të fushës së regjistruar më parë, skuadra vendëse-organizatori është i obliguar që në afat prej 14 ditësh, të lajmërojë Komesarin e Garave për palestrën tjetër të regjistruar në të cilën do të zhvillojë ndeshjet si vendës, si dhe ditën dhe kohën e zhvillimit të ndeshjes.

9.5. Datat dhe terminet e ndeshjeve të PLAY-OFF-it dhe PLAY-OUT-it do të përcaktohen para fillimit të sezonit garues.

9.6. Në pjesën përfundimtare të sezonit garues, nëse është nevoja, Komesari i Garave mund të caktojë që disa ndeshje apo të gjitha ndeshjet e xhiros së njëjtë të zhvillohen në ditën dhe orën e njëjtë. Ky Vendim do t'u komunikohet klubeve jo më vonë se 48 orë para terminit të fillimit të ndeshjes nëpërmjet adresës elektronike.

9.7. Sëmundja apo pamundësia e paraqitjes në ndeshje të lojtarëve dhe trajnerëve, zhvillimi i ndeshjeve miqësore apo turneve në vend dhe jashtë vendit, problemet me transport etj, nuk janë raste të arsyeshme për shtyrjen e ndeshjes. Shtyrja e ndeshjes mund të aprovohet me pëlqimin e të dy ekipeve dhe me lejin e Komesarit të Garave.

Neni 10. Shtyrja e ndeshjes

10.1. Komesari i Garave mund të marr vendim për shtyrjen e ndeshjes në kërkesë të ekipit që gjatë javës do të zhvillojë ndeshjen e ligës ndërkombëtare, por e njejta duhet të zhvillohet më së largu gjatë javës së ardhshme kalendarike.

10.2. Nëse ndeshja nuk mund të zhvillohet në terminin e caktuar apo është ndërprerë për shkak të:

- ndërprerjes së energjisë elektrike në pjesë ku gjindet palestra;
- ndërprerjes së komunikacionit;
- fatkeqësive nga moti i lig të vërtetuara nga enti shtetëror hidro-meteorologjik;
- situatat e përcaktuara me ligj për fatkeqësitë natyrore (zjarri, përmbytjet, rreziku etj);
- epidemia e publikuar nga insitucioni i autorizuar shtetëror;

Ndeshja duhet të zhvillohet brenda 24 orëve

10.3. Vendimin mbi shtyerjen e ndeshjes për 24 orë e merr vëzhguesi i ndeshjes apo në mungesë të tij Gjyqtari i Parë, duke u bazuar në rrethanat nga neni 10.1.

10.4. Nëse nuk ekzistojnë kushtet për zhvillimin e ndeshjes, kurse organizatori i ndeshjes nuk mund të sigurojë ndonjë palestër tjetër të regjistruar, ndeshja do të shtyhet për ndonjë termin tjetër.

10.5. Vendimin për terminin e ri të zhvillimit të ndeshjes e merr Komesari i Garave, por ndeshja e shtyrë **DUHET** të zhvillohet **para përfundimit të pjesës së parë, gjegjësisht pjesës së dytë të Garave**. Një herë ndeshja e shtyrë nuk **MUND** të shtyhet përsëri.

10.6. Shpenzimet për ndeshjen e shtyrë do t'i bartë organizatori i ndeshjes të cilat i lejon Komesari i Garave pas marrjes së faturave (llogarive) të shpenzimeve të bëra nga ekipi mik si dhe për personat zyrtar.

10.7. Ndeshja e ndërprerë për raste të arsyeshme (fatkeqësitë natyrore) do të vazhdohet nga koha dhe rezultati në momentin e ndërprerjes së ndeshjes, si dhe me të gjitha të dhënat nga protokoli i ndeshjes së ndërprerë.

10.8. Nëse të dy ekipet nuk paraqiten në fushë në kohën e caktuar për të zhvilluar ndeshjen, pa paralajmërimin e Komesarit të Garave për shkaqet e moszhvillimit të ndeshjes, ndeshja nuk do të zhvillohet kurse të dy ekipet nuk do të marrin nga një pike sipas rregullit me rastin e humbjes së ndeshjes.

10.9 Gjatë Kampeve Nacionale dhe pjesëmarrjeve në turne ndërkombëtar të organizuara nga FBK në bashkëpunim me FIBA për gjeneratën e caktuar nuk do të zhvillohen ndeshjet në atë xhiro.

Vërejtje: Njoftohen të gjithë lojtarët, trajnerët, klubet e basketbollit, shkollat e basketbollit, të cilat garojnë në të gjitha grupmoshat e kategorive të reja (U18, U16, U14, U12 meshkuj dhe vajza) se në rast të ndalesës së lojtarëve/eve për pjesëmarrje në testime, grumbullime, kampet nacionale, turne ndërkombëtar dhe në të gjitha aktivitetet e basketbollit të cilat organizohen nga FBK, ndaj personave përgjegjës të klubeve, lojtarëve, trajnerëve do të hapet Procedurë Disiplinore Konform Neni 79 të Rregullores Disiplinore të FBK-së.

Njoftim: Neni 79 i Rregullores Disiplinore, lojtari/ja i cili pa arsye vonohet, refuzon pjesëmarrjen në Përfaqësuese të Kosovës ose pa arsye nuk paraqitet në përgatitjet e Përfaqësueses, do të dënohet me ndalesë kohore për lojë.

Nëse deri të vonesa apo mosardhja ka ndodhur me fajin e klubit: klubi dënohet me të holla, kurse personi përgjegjës i klubit me ndalesë kohore në kryerjen e detyrës.

Neni 11. Regjistrimi i lojtarëve-eve, e drejta për të luajtur

11.1. Në ndeshje mund të paraqiten vetëm lojtarët-et të cilët (cilat) kanë kartelën garuese-licencën, e lëshuar dhe vërtetuar nga ana e organit të FBK-së apo Komesarit të Garave, me kusht që lojtari (lojtarja) nuk është i suspenduar apo nuk vuan dënim.

11.2. Në ndeshje, një ekip mund të paraqes më së shumti 12 (dymbëdhjetë) lojtarë-e dhe jo më pak se 10 (dhjetë). Në të kundërtën ekipet do të sanksionohen sipas këtyre Propozicioneve.

11.3. Kontrollimi mjekësor i lojtarëve-eve është i obliguar të kryhet dy herë, para fillimit të pjesës së parë dhe të dytë të sezonit të garave, gjatë një edicioni garues. Lojtari(lojtarja) që nuk ka bërë kontrollimin mjekësor nuk mund të paraqitet në ndeshje.

11.4. Klubet janë të obliguara që në ndeshje të paraqiten me përbërje më të mirë. Për mosrespektimin e kësaj pike, trajneri dhe personi zyrtar (përfaqësuesi zyrtar apo kryetari) i klubit do të nënshtrohen përgjegjësisë disiplinore.

11.5. Në sezonin garues 2018-2019 çdo kategori duhet të ketë lojtarët sipas vitit që ka të drejtë garimi për atë kategori garash si:

U18 SUPERLIGA 2001-2002

Sistemi i Garave

Në sezonin 2018 – 2019 janë paraqitur 10 ekipe (Kerasan Prishtina, Prishtina Re, Vushtrria Basket, Bashkimi, Golden Eagle Ylli, Trepça, Borea, M Junior, Vellaznimi dhe Ponte Prizreni) të cilat do të zhvillojnë 18 xhiro të rregullta. Pas kampionatit të rregullt në play off do të ndesheshin 1-4 dhe 2-3 deri në dy fitore. Kampion i U18 Superliga do të shpallej ekipi i cili arrin i pari 2 fitore nga maksimumi 3 ndeshjet e zhvilluara. Ekipet që zënë vendin 9 dhe 10 do të largoheshin në Ligen U18 në Lindje apo Përendim.

Liga UNIKE U 18

Në sezonin 2018 – 2019 janë paraqitur 10 ekipe (AS Kastrioti, Golden Basket, Ulpijana, Vitija, Z Mobile Prishtina, Penza, Rahoveci, Ylli 04, Drita, Lipjani) të cilat do të zhvillojnë 18 xhiro të rregullta. Pas kampionatit të rregullt në play off do të ndesheshin 1 – 4 dhe 2-3 deri në dy fitore në gjysëmfinale dhe finale nga maksimumi 3 ndeshje të zhvilluara dhe dy ekipet finaliste nga edicioni i ardhshëm do të jenë pjesë e Superliga U18.

U16 Vajzat: 2003 – 2004

Në sezonin 2018/2019 janë paraqitur 6 ekipe (Kerasan Prishtina, Bashkimi, United Basketball, Drita, Borea dhe Prishtina) të cilat do të zhvillojnë 10 xhiro të rregullta të basketbollit. Pas kampionatit të rregullt ekipet do të ndesheshin në Final 4 ku në gjysëmfinale do të takoheshin 1 -4 dhe 2-3.

Në Ligën U16 Vajzat ndeshjet luhen 4 x 10 minuta dhe nuk ka kurrfarë kufizimesh për lojë dmth që lejohet luajtja e zonës.

Superliga: U16 2003 – 2004

Në sezonin 2018/2019 janë paraqitur 10 ekipe (Kerasan Prishtina, M Junior, Vushtrria Basket, Trepca, Istogu, Vëllaznimi, Golden Eagle Ylli, Ponte Prizreni, Borea dhe Prishtina Re) të cilat do të zhvillojnë 18 xhiro të rregullta. Pas kampionatit të rregullt në play off do të ndesheshin 1-4 dhe 2-3 deri në 2 fitore. Kampion i U 16 Superliga do të shpallej ekipi i cili arrin 2 fitore nga maksimumi 3 ndeshje të zhvilluara. Ekipet që zënë vendin 9 dhe 10 do të largoheshin në Ligen Unike U16.

Liga Unike U16

Në sezonin 2018 / 2019 janë paraqitur 10 ekipe (Z Mobile Prishtina, Drita, Lipjani, Kaçaniku, Ylli 04, Rahoveci, Megasport, Penza, Bashkimi dhe Gjimnazisti) të cilat do të zhvillojnë 18 xhiro të rregullta. Pas kampionatit të rregullt në play off do të ndesheshin 1 – 4 dhe 2-3 deri në dy fitore ne gjysëmfinale dhe finale nga maksimumi 3 ndeshje të zhvilluara dhe dy ekipet finaliste nga edicioni i ardhshëm do të jenë pjesë e Superliga U16.

U14 Lindje 2005 – 2006

Sistemi i Garave

Në sezonin 2018 – 2019 janë paraqitur 7 ekipe (Kerasan Prishtina, Z Mobile Prishtina, Trepça, Vushtrria Basket, Prishtina Re, Lipjani dhe Golden Eagle Ylli) të cilat do të zhvillojnë 14 xhiro të rregullta. Pas kampionatit të rregullt në play off do të ndesheshin 3-6 dhe 4-5 me rezultat më të mirë nga dy ndeshjet e zhvilluara, kurse ekipet të cilat janë renditur në vendin 1 dhe 2 do të kyçeshin në gjysëmfinale të play offit ne grupe. Dy ekipet të cilat kalojnë në gjysëmfinale nga 3 ndeshjet e mundura do të kyçen në gjysëmfinale me ekipet nga grupi tjetër 1 – 2 deri në 2 fitore. Kampion i Liga U14 do të shpallej ekipi i cili arrin i pari 2 fitore nga maksimumi 3 ndeshje të zhvilluara.

Në Ligën U14 ndeshjet do të luhen 4 x 10 minuta dhe nuk lejohet asnjë lloj mbrojtje zonale në gjysëmfishë apo në tërë fushën. Në rastin e parë trajnerit do ti tërhiqet vërejtja kurse në rastin e parë të përsëritjes sanksionimi do të jetë GT (C), një gjuajtje e lirë dhe pronësia e topit.

Nuk lejohet mbrojtje zonale dhe çfarëdo mbrojtje e kombinuar njer /zonë.

Nuk lejohet luajtja e Pick and Roll, Hand-offit.

U14 Perëndim

Në sezonin 2018 / 2019 janë paraqitur 6 ekipe (Borea, Rahoveci, Megasport, Ponte Prizreni, Penza, Bashkimi) të cilat do të zhvillojnë 10 xhiro të rregullta. Pas kampionatit të rregullt në play off do të ndesheshin 3-6 dhe 4 – 5 me rezultat më të mirë nga dy ndeshjet e zhvilluara, kurse ekipet të cilat kalojnë në gjysëmfinale nga 3 ndeshjet e mundura do të kyçen në gjysëmfinale të play-offit në grupe. Dy ekipet të cilat kalojnë në gjysëmfinale nga 3 ndeshjet e mundura do të kyçen në gjysëmfinale me ekipet nga grupi tjetër 1 – 2 deri në 2 fitore. Kampion i Liga U14 do të shpallej ekipi i cili arrin i pari 2 fitore nga maksimumi 3 ndeshje të zhvilluara.

Në Ligën U14 ndeshjet do të luhen 4 x 10 minuta dhe nuk lejohet asnjë lloj mbrojtje zonale në gjysëmfishë apo në tërë fushën. Në rastin e parë trajnerit do ti tërhiqet vërejtja kurse në rastin e parë të përsëritjes sanksionimi do të jetë GT (C), një gjuajtje e lirë dhe pronësia e topit.

Nuk lejohet mbrojtje zonale dhe çfarëdo mbrojtje e kombinuar njeri/zonë.

Nuk lejohet luajtja e Pick and Roll, Hand-offit.

U14 Vajzat: 2005 – 2006

: Në Ligën U14 ndeshjet do të luhen 4 x 10 minuta dhe nuk lejohet asnjë lloj mbrojtje zonale në gjysmë fushë apo në tërë fushën. Në rastin e parë trajnerit do ti tërhiqet vërejtja kurse në rastin e parë të përsëritjes sanksionimi do të jetë GT (C), një gjuajtje e lirë dhe pronësia e topit.

Nuk lejohet mbrojtje zonale dhe çfarëdo mbrojtje e kombinuar njeri/zonë.

Nuk lejohet luajtja e Pick and Roll, Hand-offit.

Në sezonin 2018-2019 janë paraqitur 4 ekipe dhe garat do të zhvillohen me sistem të dyfishtë (Kerasan Prishtina, Bashkimi, Kastrioti dhe Borea) të cilat do të zhvillojnë 12 xhiro të rregullta. Pas kampionatit të rregullt ekipet do të ndesheshin në Final 4 ku në gjysmefinale do të takoheshin 1-4 dhe 2 – 3.

U12 Lindje 2007 – 2008

Sistemi Garave :

Në sezonin 2018 – 2019 janë paraqitur 6 ekipe (Kerasan Prishtina, Trepça, Mitrobasket, Vushtrria Basket, Mitrovica, dhe M Junior) të cilat do të zhvillojnë 10 xhiro të rregullta. Pas kampionatit të rregullt ekipet do të ndesheshin në Final 8 dhe atë 1-4 dhe 2 – 3 nga grupi tjetër, kurse 4 ekipe të mbetura do të ndesheshin në Final 4, ku në gjysmefinale do të takoheshin ekipet më mirë të renditura ndaj ekipit më të dobët të renditur.

Ndeshjet luhen 4 X 10 minuta dhe ndalohet luajtja e zones.

Në rastin e parë trajnerit do ti tërhiqet vërejtja kurse në rastin e parë të përsëritjes do të sanksionohet me GT (C), një gjuajtje e lirë dhe pronësia e topit.

- lejohet kthimi i topit në anën e pasme;
- çerekun e parë luajnë vetëm 5 lojtarë (pa zëvendësime);
- çerekun e dytë 5 lojtarë tjerë (pa zëvendësime);
- në çerekun e 3-4 lejohet ndërrimi i të gjithë lojtarëve;
- të gjithë fëmijët duhet të paraqiten në ndeshje;
- çdo personale në 2 min e fundit të çerekut të 4 janë 2 gjuajtje të lira;
- madhësia e topit duhet të jetë nr 5;
- gjatë gjuajtjes së gjuajtjeve të lira lejohet shkelja e vijës (shkelje në kategorite tjera);
- nuk lejohet luajtja e Pick-and Roll - Hand - offit (rastit i parë vërejtja, përsëritja GT trajnerit C).

U12 Perëndim

Në sezonin 2018- 2019 janë paraqitur 6 ekipe (Neë Basket, Rahoveci, Istogu, Borea, Vëllaznimi dhe Sfera) të cilat do të zhvillojnë 10 xhiro të rregullta. Pas kampionatit të rregullt ekipet do të ndesheshin në Final 8 dhe atë 1-4 dhe 2-3 nga grupi tjetër kurse 4 ekipet e mbetura do të ndesheshin në Final Four ku në gjysmefinale do të takoheshin ekipet më mirë të renditura ndaj ekipeve më dobët të renditura.

Ndeshjet luhen 4 X 10 minuta dhe ndalohet luajtja e zones.

Në rastin e parë trajnerit do ti tërhiqet vërejtja kurse në rastin e parë të përsëritjes do të sanksionohet me GT (C), një gjuajtje e lirë dhe pronësia e topit.

- lejohet kthimi i topit në anën e pasme;
- çerekun e parë luajnë vetëm 5 lojtarë (pa zëvendësime);
- çerekun e dytë 5 lojtarë tjerë (pa zëvendësime);
- në çerekun e 3-4 lejohet ndërrimi i të gjithë lojtarëve;

- të gjithë fëmijët duhet të paraqiten në ndeshje;
- çdo personale në 2 min e fundit të çerekut të 4 janë 2 gjuajtje të lira;
- madhësia e topit duhet të jetë nr 5;
- gjatë gjuajtjes se gjuajtjeve të lira lejohet shkelja e vijës (shkelje në kategoritë tjera);
- nuk lejohet luajtja e Pick-and Roll - Hand - offit (rasti i parë vërejtja, përseritja GT trajnerit C).

Nëse klubi i ka paraqitur dy ekipe apo më shumë për një kategori nuk ka të drejtë nga njëra ekip të aktivizojë lojtarë për ekipin tjetër deri sa ekipet janë në të njëjtin rang të garave.

11.6. Në rast të mos respektimit të nenit 11.5. Klubi:

11.6.1. Skuadra e cila aktivizon lojtarë që nuk përputhen me moshën e lejuar për garat në atë kategori, pasi është verifikuar se janë të regjistruar me shënime të rrejshme ose dokumente të falsifikuara i shlyhen të gjitha rezultatet, përjashtohet nga gara për vitin garues në vijim dhe edicionin e ardhshëm në atë kategori, ndërsa ndaj personave përgjegjës organi i autorizuar disiplinor i FBK-së do të merr masa ndëshkuese në bazë të Rregullores Disiplinore të FBK-së.

Neni 12. Lojtarët-et, paisja

12.1. Ekipi vendës apo ekipi i parë i shënuar në protokol të ndeshjes është i obliguar që në ndeshje të paraqitet me uniforma me ngjyrë të ndritshme, kurse ekipi mik apo ekipi i dytë i shënuar në protokol të ndeshjes me ngjyrë të mbylltë, dhe e kundërta nëse ekipet paraprakisht kanë arritë marrëveshje me shkrim. Ekipi mysafir obligohet të respektojë ngjyrat e uniformës së ekipit vendës, nëse ato janë paraqitur zyrtarisht në FBK.

12.2. Gjatë prezentimit të ekipit të gjithë lojtarët duhet të jenë të veshur njëjtë;

12.3. Kapiteni i ekipit duhet të jetë dukshëm i shënuar në fanellë;

12.4. Fanellat e të gjithë lojtarëve duhet të jenë të vendosura në brekë gjatë tërë ndeshjes;

12.5. Veshja e maicave nën fanella e të cilat duken nuk janë të lejuara;

12.6. Nuk është i lejuar reklamimi i pijeve alkoolike (përveç verës dhe birrës), cigareve (duhanit) dhe substancave të cilat gjinden në listen e ndaluar të substancave (agjensionit anti-doping botëror - ĒADA);

12.7. Reklama e vendosur në fanellë në asnjë moment nuk guxon të mbulojë numrin apo mbiemrin e lojtarit;

12.8 Ekipet janë të obliguara që në fanellat e lojtarëve të vendosin logon – emblemën e FBK-së. Emblema duhet të vendoset në anën e majtë të epërme të fanellës dhe dimensionet e saj nuk guxojnë të jenë më të vogla se 8 cm x 5 cm.

Neni 13. Trajnerët

13.1. Detyrën e trajnerit apo ndihmës trajnerit mund ta ushtrojë vetëm personi i cili posedon licencën e trajnerit të lëshuar nga Shoqata e Trajnerëve e Kosovës. Nëse ekipi nuk ka trajner apo ndihmëstrajner i cili i plotëson kushtet e lartë cekura, detyrën e trajnerit do t'a ushtrojë kapiteni i ekipit. Në këtë rast një prej përfaqësuesve zyrtar të ekipit (përfaqësuesi zyrtar, udhëheqësi teknik, mjeku etj.) nuk mund ta ushtrojë detyrën e trajnerit (të qëndrojë në këmbë gjatë ndeshjes, të kërkojë tajm-aut, zëvendësim etj.)

13.2. Vetëm trajnerit dhe ndihmëstrajnerit (por në asnjë rrethanë të dyve në të njëjtën kohë) i lejohe të qëndrojnë në këmbë dhe të komunikojë me lojtarë gjatë ndeshjes, me kusht që të qëndrojnë në hapësirën e kufizuar rreth bankinës së ekipit. Ndihmëstrajneri në asnjë situatë edhe pse qëndron në këmbë, nuk guxon t'i drejtohet personave zyrtar të ndeshjes (vëzhguesit dhe gjyqtarëve).

13.3.

Trajnerin, në rast të mungesës së ndihmëstrajnerit, gjatë ndeshjes mund t'a zëvendësojë kapiteni i ekipit, vetëm në rastet e parapara me Rregullat e lojës së Basketbollit.

13.4. Trajneri dhe ndihmëstrajneri janë përfaqësuesit e vetëm të ekipit që mund të komunikojnë me gjyqtarët ndihmës. Gjatë ndeshjes, gjatë ndërprerjeve të lojës dhe ndaljes së orës së lojës, trajneri mund të ankohet në punën dhe objektivitetin e gjyqtarëve ndihmës tek vëzhguesi i ndeshjes, i cili vlerëson se a duhet të lajmërohen gjyqtarët e ndeshjes për këtë.

13.5. Trajneri apo ndihmëstrajneri i përjashtuar, përfaqësuesi zyrtar apo cili do person nga fletëparaqitja e lojtarëve për ndeshje, duhet të largohet nga fusha e lojës dhe nëse është nevoja edhe ta lëshojë palestrën.

13.6. Në rast të dënimit të shqiptuar me ndalesë të ushtrimit të detyrës së trajnerit apo ndihmës trajnerit të ekipit, i njëjti në ndeshjen e ardhshme mund të jetë prezent tek shikuesit, por jo në anën në të cilën gjindet banka e ekipit së tij me lojtarë rezervë.

13.7. Nëse në ndeshjen zyrtare miqësore vie gjerë te sjellja josportive e trajnerit, lojtarit apo shikuesve dhe kjo paraqitet nga ana e personit zyrtar, të njëjtit mund të sanksionohen nga ana e organit të FBK-së me sanksionet të cilat janë në fuqi për ndeshjet kampionale dhe ato të Kupës.

13.7.1 Vetëm trajnerët të cilët kanë licencën e lëshuar nga FBK dhe janë anëtarë të SHTBK-së kanë të drejtë të udhëheqin me ekipet në atë kategori të garave për të cilën janë licencuar dhe kanë kryer obligimet ndaj SHTBK-së ose FBK-së.

Në bazë të rregulloreve për licencimin është e vendosur se trajnerët që nuk kanë licenca zyrtare dhe trajnimin profesional, kartelat e klubit, nuk kanë të drejtë të udhëheqin me ekipin e basketbollit nga ndonjë klub apo shkollat e basketbollit në garat zyrtare dhe ndeshjet që organizohen nën patronatin e FBK-së.

Neni 14. Personat zyrtarë të ekipit

14. 1. Udhëheqësi teknik

14.1.1 Udhëheqës teknik i ekipit duhet të jetë shtetas i Republikës së Kosovës.

14.1.2. Komesari i Garave i lëshon më së shumti 2 (dy) liçenca para fillimit të sezonit për udhëheqës teknik.

Neni 14.2. Përfaqësuesi zyrtar

14.2.1 Përfaqësuesi zyrtar i ekipit duhet të jetë shtetas i Republikës së Kosovës. Është përgjegjës për organizimin e ndeshjes, para vëzhguesit të ndeshjes apo gjyqtarit të parë në emër të klubit i cili është organizator i ndeshjes;

14.2.2. Nëse ekipi nuk ka përfaqësues zyrtar apo i njëjti me arsye duhet t'a lëshojë fushën, gjatë ndeshjes mund të jetë i zëvendësuar me Udhëheqësin Teknik;

14.2.3. Përfaqësuesit zyrtar gjatë ndeshjes nuk kanë të drejtë të komunikojnë me vëzhguesin dhe gjyqtarët. Ata janë vetëm të autorizuar që të japin të dhëna për ndeshjen. Nëse ndodhë që përfaqësuesi zyrtar të shkojë te tavolina zyrtare, para, gjatë dhe pas ndeshjes për të nxitur tensione, do të sanksionohet sipas rregullave zyrtare të basketbollit dhe kundër tij do të inicohet, nëse është nevoja, procedura disiplinore.

14.2.4. Përfaqësuesi zyrtar i ekipit është i obliguar që të bëjë paraqitjen e lojtarëve dhe përfaqësuesve zyrtarë në formularin e plotësuar dhe të vërtetuar me vulën e klubit, të cilin duhet t'ia dorëzojë vëzhguesit të ndeshjes më së voni 20 minuta para fillimit të ndeshjes së bashku me licencat e lojtarëve dhe përfaqësuesve zyrtarë të ekipit;

14.2.5. Para fillimit të edicionit garues Komesari i Garave i lëshon më së shumti 7 (shtatë) licenca për përfaqësues zyrtarë të çdo ekipe.

Neni 14.3. Mjeku i ekipit dhe mjeku kujdestar

14.3.1. Organizatori i ndeshjes është i obliguar që të sigurojë mjekun kujdestar, i cili ka në dispozicion mjetet për dhënien e ndihmës së parë.

14.3.2. Mjeku kujdestar duhet të ketë licencën e vërtetuar për sezonin (edicionin) garues nga Komesari i Garave;

14.3.3. Para fillimit të sezonit, Komesari i Garave lëshon më së shumti dy licenca për mjekë për çdo ekip, prej të cilëve vetëm njëri mund të ulet në bankinën e ekipit gjatë ndeshjes;

14.3.4. Para fillimit të ndeshjes, mjeku do t'i prezentohet ekipit mik dhe do t'a njoftojë për vendin ku do të jetë gjatë zhvillimit të ndeshjes.

Neni 14.3.5. Fizioterapeuti

Para fillimi të edicionit garues, Komesari i Garave lëshon vetëm 1 (një) licencë për fizioterapeutin e ekipit. Në raste të jashtëzakonshme mund të lëshohen edhe më shumë licenca, me lejin e Komesarit të Garave, kurse gjatë zhvillimit të ndeshjes në bankinë mund të ulen edhe 2 (dy) fizioterapeutë, vetëm nëse numri i tërësishëm i personave zyrtarë (pa lojtarët rezervë) nuk kalon numri 7 (shtatë).

14.3.6 Personi për kontakt me FBK-në

Çdo klub është i obliguar që të caktojë personin përgjegjës, i cili në emër të klubit do t'i ketë të gjitha autorizimet për kontakte zyrtare me FBK-në. Në informatë klubi është i obliguar që të cekë numrin e telefonit dhe postën elektronike të personit të caktuar.

Neni 15. Kushtet për të fituar licencën për përfaqësuesin zyrtar të ekipit

15.1 Çdo ekip para fillimit të edicionit garues mund të kërkojë që t'i lëshohen licencat për personat zyrtarë për çdo detyrë (funksion) veç e veç.

15.2. Kërkesa paraqitet me shkrim e bashkangjitur me një fotografi për çdo person për të cilin klubi aplikon.

15.3. Komesari i Garave mund të refuzojë kërkesën e ekipit për lëshimin e licencës për personin e caktuar, nëse vlerëson se sjellja e tij në edicionin e kaluar garues nuk ka qenë në nivelin e nevojshëm sportiv.

15.4. Komesari i Garave mund të vendos që të tërheqë licencën e lëshuar, nëse vlerëson se për një gjë të tillë janë krijuar rrethanat gjatë rrjedhjes së ndeshjes, kurse ekipi ka të drejtë që të propozojë ndonjë person tjetër.

Neni 16. E drejta në dhënien e deklaratave dhe komentimi i ndarjes së drejtësisë

16.1. Lojtarët, trajnerët, ndihmës trajnerët, personat zyrtarë, si dhe përfaqësuesit tjerë të ekipit, nuk guxojnë të japin deklaratat publike për ndarjen e drejtësisë nga ana e gjyqtarëve, të komentojnë publikisht ndarjen e drejtësisë si dhe të japin deklaratat të tjera jokorrekte dhe jo sportive më cilat dëmtohet imazhi i ekipit kundërshtar, ligës dhe FBK-së.

16.2. Ankesat të cilat i përkasin ndarjes së drejtësisë, lëshimet në organizimin e ndeshjes dhe vërejtjet tjera i dorëzohen vëzhguesit të ndeshjes më së largu 30 min. pas ndeshjes apo në afat prej 24 orëve Komesarit të Garave.

16.3. Nëse ekipi ka vërejtje në ndarjen e drejtësisë dhe për këtë kërkon të shikojë video xhirimin nga kjo ndeshje, Komesari i Garave në marrëveshje me Komisionin e caktuar paraprakisht, cakton terminin dhe pas shikimit e njofton klubin me rezultatin nga xhirimi i shikuar - analizuar. Klubi i cili ankohet, më parë duhet medeomos të deponojë në llogarinë e FBK-së shumën prej 300,00€, në të kundërtën ankesa do të refuzohet dhe nuk do të shqyrtohet.

ORGANIZIMI I NDESHJES – PARA FILLIMIT TË NDESHJES

Neni 17. Ekipi vendës-organizatori. Obligimet.

17.1. Organizatori është i obliguar që t'i ndihmojë ekipit mik në çdo rast, t'ia caktojë përfaqësuesin e ekipit që t'i ndihmojë dhe të jep informata të nevojshme për ndeshje.

17.2. Organizatori duhet me kohë të paraqesë ndeshjen tek Policia e Kosovës dhe në ndeshje duhet të jetë prezent numër i mjaftueshëm i forcave policore, varësisht nga numri i shikuesve dhe niveli i rrezikshmërisë së ndeshjes. Nëse ndeshja nuk është paraqitur tek PK Ekipi vendas humb ndeshjen me rezultat zyrtarë 20:0

17.3. Organizatori duhet të sigurojë vend të përshtatshëm për vendosjen e reklamave të sponzoruesve të ligës dhe të FBK-së në sallë. Vendosja e reklamave bëhet sipas kontratave që FBK-ja ka me sponzorët e saj. Organizatori i mban përgjegjësitë dhe i nënshtrohet saksioneve për mos respektimin e dispozitave të marrëveshjes me sponzorë.

17.4. Organizatori është i obliguar që në çdo ndeshje të vendos flamurin shtetëror me dimensione 200 x 96cm në vendin e dukshëm për të gjithë pjesëmarrësit.

17.5. Organizatori është i obliguar që të sigurojë hapësirën e veçantë për përfaqësuesit e akredituar të mediave.

17.6. Organizatori është i obliguar që të sigurojë hapësirën e veçantë, tavolinat punuese për radio dhe TV kanalet.

17.7. Organizatori është i obliguar që të sigurojë personin me pajisje për pastrimin e fushës së lojës, i cili në çdo kohë duhet të jetë afër fushës (prapa panove të reklamave) dhe të veprojë menjëherë në ftesë të gjyqtarëve.

17.8. FBK mban të drejtën e realizimit të marketingut për sponzorët dhe partnerët në fusha të lojës dhe në palestrat ku zhvillohen ndeshjet. Dispozitat e sakta të marketingut precizohen me Udhëzuesin për Marketing, që e miraton Bordi i FBK-së para fillimit të çdo sezoni. Shkeljet ndaj marketingut sanksionohen sipas këtyre Propozicioneve.

Neni 18. Palestra

18.1. Ndeshjet në të gjitha nivelet, mund të zhvillohen vetëm në Palestra të cilat i plotësojnë kushtet e parapara me rregullat zyrtare të basketbollit dhe të cilat janë të regjistruara nga ana e Komesarit të Garave.

18.2. Çdo palestër duhet të ketë hyrje zyrtare, të ndarë nga hyrja e shikuesve, e cila mundëson hyrje/dalje të papenguar të ekipeve dhe personave zyrtarë.

18.3. Nëse vërtetohet se salla nuk i plotëson kushtet e parapara me akte normative dhe me këto Propozicione, Komesari i Garave do të caktojë një afat kohor brenda të cilit duhet të mënjanohen të gjitha mungesat, në të kundërtën, do të ndalohet zhvillimi i ndeshjeve në atë palestër.

Neni 19. Lokalet zyrtare në Palestra

19.1. Organizatori është i obliguar që të sigurojë lokalet zyrtare në palestër:

- Zveshtoren për ekipin mik me minimum 24 varëse për rrobe, 12 ulëse apo bankinë për persona;
- Zveshtoren për gjyqtarë me minimum 6 varëse për rrobe, tri ulëse dhe tavolinën,
- Lokalin për përpilimin e raportit të vëshguesit (me kompjuter dhe internet).

19.1.1. Zveshtoret për lojtarë dhe gjyqtarë duhet të jenë të pajisura me nyje sanitare, me tusha dhe me hapësirë të nevojshme për zhveshjen e 12 lojtarëve.

19.1.2. Në zveshtore për lojtarë dhe gjyqtarë, organizatori është i obliguar të sigurojë pije të mjaftueshme freskuese (ujë).

Neni 20. Fusha e lojës

20.1. Dyshemeja për lojë duhet të jetë nga parketi apo bazamenti tjetër i cili i plotëson standardet e FIBA-s.

20.2. Fusha e lojës duhet të jetë me dimensione 28x15 metra, sipas rregullave zyrtare të lojës me hapësirë prej 2m rreth fushës së lojës në të cilën nuk guxon të ketë reklama apo diç tjetër.

20.3. Fusha duhet të jetë e shënuar në pajtim me Rregullat e lojës së basketbollit. Të gjitha vijat e parapara me rregulla duhet të jenë të shënuara me ngjyrë të njëjtë – e BARDHË, e rekomanduar nga FIBA.

20.4. Fusha e lojës duhet të jetë e ndriçuar njejt në çdo pjesë të saj me më së paku 1.500 luksa, e matur 1(një) metër mbi sipërfaqen e fushës së lojës.

20.5. Lartësia e pikes më të ulët e tavanit - plafonit, gjegjësisht pengesa më e ulët mbi fushë të lojës duhet të jetë 7 (shtatë) metra e matur nga dyshemeja (parketi) e fushës.

Neni 21. Bankinat për ekipe

21.1. Bankinat për ekipe duhet të jenë mjaftë të gjata që në mënyrë komode të ulen 16 persona, apo në vendin e rezervuar për bankinën e ekipit të ketë 16 karrige.

21.2. Në bankinën për lojtarë rezervë kanë të drejtë, kurse gjatë ndeshjes duhet të ulen, këta persona të cilët janë paraqitur në listën paraqitëse të ekipit dhe i posedojnë licencat e vlefshme për sezonin garues:

21.2.1. Trajneri, i cili ka të drejtë të qëndrojë edhe gjatë ndeshjes në hapësirën e kufizuar dhe që i takon ekipit të tij

21.2.2. Trajneri ndihmës, i cili ka të drejtë të qëndrojë gjatë ndeshjes në hapësirën e kufizuar dhe i takon ekipit të tij, ka të drejtë komunikimi vetëm me lojtarët e tij, nëse në atë moment trajneri është i ulur (nuk është e lejuar të qëndrojnë të dytë në të njejtën kohë).

21.2.3. Udhëheqësi teknik

21.2.4. Përfaqësuesi zyrtar i ekipit

21.2.5. Shtatë lojtarë rezervë

21.2.6. Mjeku

21.2.7. Fizioterapeuti

21.2.8. Ekipi gjatë ndeshjes në bankinë mund të ketë edhe 2 fizioterapeutë ,2 mjekë apo 2 ndihmës trajnera, por numri i personave zyrtarë jashtë lojtarëve rezervë nuk mund të jetë më i madh se 7 (shtatë).

21.2.9 Në bankina të ekipit ndalohet ulja e personave që janë bartës të posteve më të larta ekzekutive në klubet përkatëse.

21.3. Trajneri, ndihmës trajneri apo personi zyrtar i ekipit nuk ka të drejtë që të jetë në bankinën e ekipit nëse nuk posedon licencën për edicionin garues, të vërtetuar dhe të lëshuar nga Shoqata e Trajnerëve dhe Komesari i Garave.

21.4. Bankina e ekipit mik duhet të jetë e siguruar me mburojë nga pleksiglasa në tërë gjatësinë e bankinës.

Neni 22. Tavolina zyrtare

22.1. Tavolina zyrtare duhet të jetë e vendosur në mesin e një prej vijave të mesme të fushës (prapa së cilës gjinden bankinat e lojtarëve rezervë të të dy ekiyeve).

22.2. Gjatësia e tavolinës zyrtare duhet të ketë më së paku 4 metra në mënyrë që të ofrojë kushte për punën e personave zyrtarë që janë të ulur dhe atë nga ana e majt në të djathtë:

1. Matësi i 14 dhe 24 sekondave,
2. Matësi i kohës;
3. Vëshguesi i ndeshjes
4. Proçesmbajtësi i protokolit të ndeshjes.

22.3. Në të dy anët e tavolinës zyrtare duhet të jenë të vendosura nga dy karrige për lojtarët që presin për të hyrë në lojë.

22.4. Organizatori është i obliguar që të sigurojë:

22.4.1. Treguesit prej numrit 1 – 5 për gabimet personale (vetjake);

22.4.2. Treguesit e gabimeve personale (Bonus);

22.4.3. Treguesin e shigjetës së zotimit alternativ të topit;

22.4.4. Protokolin zyrtar të FBK-së- FIBA;

22.4.5. Pipin rezervë, në rast defekti të sirenës në semafor apo ndëgjimi i dobët i sirenës;

22.4.6. Metrën ose mjetin adekuar për matjen e lartësisë së koshit;

22.5. Mjetet teknike ndihmëse për ndeshje

22.5.1. Kronometrin e dorës për matjen e kohës me mundësi që kohën t'a matë prapa dhe vazhdimi i matjes së kohës nga koha e ndalur;

22.5.2. Kronometrin për matjen e 24 sekondave;

22.5.3. Mjetin për të treguar 10 sekondat e fundit të akcionit të ekipit.;

22.5.4. Treguesin e rezultatit (semafori manuel).

Neni 23. Semafori elektronik

23.1. Semafori për ndeshje duhet të ketë këto mundësi:

23.1.1. Që të masë kohën e lojës prej 10:00 në 00:00 minuta e treguar me numra. Në minutën e fundit të periudhës apo të kohës shtesë, semafori të tregoj edhe të qindtat e sekondës;

23.1.2. Që të tregojë numrin e gabimeve personale(vetjake)/teknike të ekipeve (Bonus);

Neni 24. Aparatura për 24 sekonda

24.1. Aparaturat (displejet) për matjen e 24 sekondave duhet të jenë të vendosura mbi të dy tabelat e koshave.

24.2. Nëse nuk mund të vendosen mbi tabela, atëherë ato mund të vendosen në dy këndet e kundërta të fushës së lojës.

24.3. Paisja për matje duhet të ketë mundësinë e resetimit të kohës në 14 sekonda.

Neni 25. Topi

25.1. Ndeshjet e kategorive te reja zhvillohen me **'SPALDING'- TF1000** me amblemë të FBK-së ose ALL Conferenc , kurse te U12 me SPALDING 5

25.2. Organizatori i ndeshjes është i obliguar që të sigurojë 2 (dy) topa në gjendje të rregullt për skuadrën mike më së voni 30 minuta para fillimit të ndeshjes. Gjyqtarit të Parë i dorëzohen topat për zhvillimin e ndeshjes, dhe Gjyqtari i Parë vendos për zgjedhjen e topit të lojës

Neni 26. Temperatura në palestra

Neni 26.1. Temperatura gjatë zhvillimit të ndeshjes në palestër (sallë) duhet të jetë minimum 10 Gradë Celsius. Nëse ekipi mik pajtohet që ndeshja të zhvillohet në temperaturë edhe më të ulët se 10 Gradë Celsius, ndeshja do të zhvillohet. Nëse ekipi mik nuk pajtohet për të zhvilluar ndeshjen në temperaturë më të ulët se 10 Gradë Celsius, ndeshja do të shtyhet për 24 orë dhe gjatë kësaj kohe ekipi vendës duhet të gjejë sallë më të nxehtë dhe të regjistruar për zhvillimin e ndeshjes. Nëse ekipi vendës brenda këtij afati nuk mund të sigurojë palestër me kushte të përshtatshme, atëherë do ta humbë ndeshjen me rezultat zyrtar.

Neni26.2. Ekipi vendës – organizatori, është i obliguar që vëzhguesit të ndeshjes t'i sigurojë termometrin për çdo ndeshje, nëse është e nevojshme që të bëhet matja e temperatures në sallë.

Neni 26.4. Organizatori i ndeshjes është i obliguar të sigurojë që fusha e lojës t'i takojë vetëm akterëve të ndeshjes që janë të paraqitur në listat paraqitëse të klubeve, dhe zyrtarëve të ndeshjes. Në podium, lejohet vendosja e 100 karrigeve për VIP të klubit vendas, 10 karrigeve për ekipën mike, 10 për ekipën vendase dhe ate vetëm në pjesën ballore të tavolinës zyrtare. Nëse konstatohet se ka me tepër karrige të vendosura ato duhet të largohen dhe nëse ato nuk largohen ndeshja nuk do të fillojë. Përgjegjësia për numërimin e karrigeve – ulëseve në dysHEME – parter I takon vëzhguesit të ndeshjes.

ORGANIZIMI GJATË KOHËS SË NDESHJES

Neni 27. Fillimi i ndeshjes

27.1. Për fillim të ndeshjes konsiderohet momenti kur gjyqtarët hyjnë në fushë dhe kërkojnë nga kohë matësi që të lëshojë në funksion orën e ndeshjes që të punojë nga 20:00 në 00:00 minuta.

27.2. Me fillimin e këtyre 20 minutave, vëzhguesi verifikon se organizatori i ka plotësuar të gjitha kushtet dhe dispozitat e rregullave dhe të këtyre Propozicioneve.

27.3. Nëse konstatohet ndonjë mungesë/defekt në ndonjë pajisje apo mos prezenca e gjyqtarit-ëve ndihmës, organizatorit do t'i lejohen jo më shumë se 30 minuta që t'i sjellë në rregull pajisjet apo që të sigurojë gjyqtarin-ët ndihmës.

27.4. Nëse mungesat e konstatuara nuk mund të eliminohen në kohën e caktuar, apo nëse të njëjtat janë shkaktuar pas lëshimit në punë të orës 20:00 minuta para fillimit të ndeshjes, ndeshja do të shtyhet brenda 24 orëve të ardhshme (neni 10).

27.5. Ndeshja mund të zhvillohet apo edhe të përfundohet me mjetet ndihmëse teknike të cekura në nenin 23.5, por me kusht që Gjyqtari i Parë dhe ekipi mik të pajtohen që ndeshja të zhvillohet nën këto kushte, gjë që duhet të konstatohet dhe të ceket në Raportin e Vëzhguesit dhe të verifikohet me nënshkrimin e përfaqësuesit zyrtar të ekipit mik.

27.6. Radhitja e veprimeve para fillimit të ndeshjes:

20:00 minuta para fillimit të ndeshjes

27.6.1. Matësi i kohës, me lejin e vëzhguesit, e lëshon në punë orën për matjen e kohës;

27.6.2. Përfaqësuesit zyrtarë i sjellin vëzhguesit të ndeshjes fletëparaqitjet e lojtarëve dhe personave, si dhe licencat e tyre;

27.6.3. Gjyqtarët hyjnë në fushë, përshëndeten me përfaqësuesit zyrtarë dhe vendosen përballë tavolinës zyrtare.

10:00 minuta para fillimit të ndeshjes

27.6.4. Trajnerët në ftesë të vëzhguesit të ndeshjes (gjyqtarit të parë), me nënshkrimin e tyre, vërtetojnë lojtarët e paraqitur të ekipit dhe caktojnë pesëshën e cila do të fillojë ndeshjen. Gjatë kësaj procedure, protokollin e ndeshjes i pari e nënshkruan trajneri i ekipit vendas apo trajneri i ekipit që është shënuar i pari në protokollin e ndeshjes.

06:00 minuta para fillimit të ndeshjes

27.6.5. Gjyqtari i parë i fton lojtarët që t'a braktisin fushën dhe të vendosen te bankina e tyre për t'u bërë prezantimi i lojtarëve me anë të zërimit;

27.6.6. Së pari prezentimi bëhet i ekipit mik apo ekipit të dytë të shënuar në protokollin e ndeshjes duke filluar nga kapiteni i ekipit, lojtarëve në bazë të numrave në fanellë dhe në fund të trajnerit dhe ndihmës trajnerit. Lojtarët rradhitën përgjatë vijës për gjuajtjet e lira.

27.6.7. Pas prezantimit të ekipeve, prezantuesi i prezenton edhe personat zyrtarë (gjyqtarët dhe vëzhguesin) të ndeshjes. Pas përfundimit të prezantimit të pjesëmarrësve, ekipet përshëndeten në mes veti.

03:00 minuta para fillimit të ndeshjes

27.6.8. Koha e mbetur për nxehjen e ekipeve. Kohëmatësi i njofton gjyqtarët.

02:00 minuta para fillimit të ndeshjes

27.6.9.Gjyqtari i parë i njofton ekipet që të tërhiqen nga fusha dhe të përgatiten pesëshet për fillimin e ndeshjes.

30 sekonda para fillimit të ndeshjes

27.6.10.Kohëmatësi e reseton orën në 10:00 minuta për fillimin e ndeshjes. Pesëshet e caktuara hyjnë në fushën e lojës.

27.6.11. Pas përfundimit të ndeshjes të gjithë lojtarët dalin në fushë, përshëndetën në mes veti dhe kthehen në bankinat e tyre.

Neni 28. Rrjedha e ndeshjes

28.1. Organizatori i mban të gjitha përgjegjësitë për të gjitha shkeljet dhe incidentet të cilat ndodhin para, gjatë dhe pas përfundimit të ndeshjes.

28.2. Organizatori duhet të jetë i gatshëm në çdo moment që të kontrollojë sjelljen e shikuesve;

28.3. Organizatori nuk guxon të lejojë personat jo zyrtarë dhe shikuesit që të cenojnë fushën e lojës në pjesën e rrethuar apo të valviten me flamuj përtej pjesës së rrethuar.

28.4. Organizatori është përgjegjës për hedhjen e petardeve dhe gjësendeve tjera në fushë nga ana e shikuesve, pa marrë parasysh se cila anë e shikuesve bënë hedhjen e tyre.

28.5. Në rast të tollovide në fushë apo sallë, organizatori duhet të ndërmarrë masa dhe të mbrojë të gjithë anëtarët e ekipeve, gjyqtarët dhe vëzhguesin. Duhet të sigurojë hyrjen e tyre në zveshtore, kurse për ekipin mik dhe personat zyrtarë edhe largimin nga qyteti. Nëse incidentet ndodhin nga ana e shikuesëve të ekipit mik, të lajmëruar në mënyrë zyrtare, përgjegjës do të jetë ekipi mik.

28.6. Për të gjitha lëshimet sipas këtij neni si dhe tentim sulmet apo sulmet fizike në ekipe, gjyqtarë apo vëzhgues do të caktohen dënimet e përcaktuara sipas këtyre Propozicioneve.

Neni 29. Shpallja rezultatit përfundimtar të ndeshjes

29.1. Vëzhguesi apo Gjyqtari i Parë (nëse në ndeshje nuk ka vëzhgues) më së voni 30 minuta pas përfundimit të ndeshjes janë të obliguar që t'a njoftojnë Komesarin e Garave me rezultatin e arritur nëpërmjet telefonit.

29.2. Nëse Komesari i Garave nuk njoftohet me rezultatin përfundimtar , apo nuk njoftohet në mënyrën e përcaktuar me nenin 37.1. vëzhguesi apo Gjyqtari i Parë (nëse nuk ka vëzhgues) do të dënohen në pajtim me kriteriumet e këtyre Propozicioneve.

Neni 30. Raporti i vëzhguesit. Protokoli

30.1. Raporti i vëzhguesit përmban shënimet e përgjithshme lidhur me ndeshjen, mendimin dhe vlerësimin e vëzhguesit dhe përfundimin e organizimit të ndeshjes. Raporti i Vëzhguesit duhet të përpilohet më kompjuter (për superligën e obliguar) e kurrësi me dorë.

30.2. Në raportin e vet, vëzhguesi duhet të cek mënyrën e udhëtimit të personave zyrtarë në ndeshje, së bashku apo në mënyrë individuale.

30.3. Vëzhguesi dhe gjyqtarët nuk janë të autorizuar që t'a njoftojnë opinionin me raportin e ndeshjes.

30.4. Me kërkesë të Komesarit të Garave, vëzhguesi dhe gjyqtarët janë të obliguar të dërgojnë raportin plotësues në afat sa më të shkurt, një (1) orë pas përfundimit të ndeshjes apo më së voni gjer në orën 12:00 të ditës së ardhshme.

PERSONAT ZYRTARË NË NDESHJE

Neni 31. Vëzhguesi

31.1. Detyrën e vëzhguesit në ndeshje e kryen personi i cili gjendet në listën e propozuar nga ana e Shoqatës së Gjyqtarëve të FBK-së, e aprovuar nga Bordi i FBK-së.

31.2. Delegimin e vëzhguesve në të gjitha ndeshjet e bën Komesari i Garave i FBK-së.

31.3. Vëzhguesi delegohet në ndeshje për të siguruar rrjedhjen normale të saj sipas kriteriumeve të parapara dhe duhet të bashkëpunojë me gjyqtarë para, gjatë dhe pas ndeshjes. Gjatë ndeshjes është i ulur në mes të procesmbajtësit dhe kohëmatësit.

31.4. Vëzhguesi është përgjegjës për:

31.4.1. Punën dhe funksionimin e gjyqtarëve ndihmës në tavolinën zyrtare;

31.4.2. Kontrollimin e licencave të lojtarëve dhe personave zyrtarë të paraqitur në ndeshje. Është përgjegjës për dokumentacionin e cekur dhe nuk guxon të lejojë që në bankinë të ulet personi i cili nuk posedon licencë.

31.5. Vëzhguesi mund të zëvendësoj gjyqtarin ndihmës, nëse konstaton së është duke gabuar dhe me këtë ndikon në rrjedhjen e rregullt të ndeshjes.

31.6. Në rastin e përshkruar në nenin 40.4. bëhet pushimi për zëvendësimin e gjyqtarit ndihmës.

31.7. Vëzhguesi e bën zëvendësimin prej gjyqtarëve ndihmës apo gjyqtarëve të pranishëm në sallë. Nëse para fillimit të ndeshjes në terminin e caktuar nuk paraqitet një gjyqtar, apo me shumë, vëzhguesi bën zëvendësimin me gjyqtarët e pranishëm nga lista e përcaktuar.

Nëse në afat prej 60 minutave nuk plotësohen kushtet nga alineja (qëndrimi) e mëparshme që të fillojë apo vazhdojë ndeshja, Vëzhguesi është i obliguar që t'a lajmërojë Komesarin e Garave për caktimin e gjyqtarit-ëve tjerë. Shpenzimet për shtyerjen (pezullimin) e ndeshjes do t'i bartë FBK. Nëse ndodhë që në ndeshje nuk është prezent apo nuk do të vij Vëzhguesi i ndeshjes, atëherë kompetencat e vëzhguesit i merr gjyqtari i parë.

31.8. Vëzhguesi ka për detyrë:

31.8.1. Të vëzhgojë situatën tek shikuesit dhe në rast të nevojës t'i lajmërojë gjyqtarët për të ndërmarrë masa me kohë;

31.8.2. Që në raportin e tij të jep vlerësimin për organizimin e ndeshjes. Është i obliguar që të përshkruaj çdo moment diskutabil;

31.8.3. Që të paraqet kryerësin e shkeljeve të rënda;

31.8.4. Që të njoftojë për rezultatin përfundimtar në pajtim të këtyre Propozicioneve

31.8.5. Nëpërmjet përfaqësuesit zyrtar duhet të sigurojë deklaratat për personat e paraqitur apo të përjashtuar nga loja, të cekë momentet dhe rastet kontestuese për sjellje jo sportive dhe të njëjtat t'i nënshkruan dhe më së voni 30 minuta pas përfundimit të ndeshjes dhe t'ia dorëzojë vëzhguesit.

Në raste të këtyra deklarata mirret edhe nga gjyqtarët, e sipas nevojës edhe nga personat tjerë zyrtarë dhe anëtarët e ekipeve.

31.9. Në afat prej 48 orëve Vëzhguesi i ndeshjes është i obliguar t'i dorëzojë (dërgojë) në FBK këto dokumente:

31.9.1. Protokolin original dhe Raportin e Vëzhguesit;

31.9.2. Fletëparaqitjet e lojtarëve dhe personave zyrtarë të të dy ekipeve të paraqitur për ndeshje;

31.9.5. Raportet plotësuese nëse nuk ka mjaft hapësirë në formularin e Raportit të vëzhguesit, apo vërejtjet plotësuese të perceptuara pas kompletimit të Raportit.

31.10. Në rast ankese, Vëzhguesi është i obliguar t'i dërgojë në FBK , më së voni 1(një) orë pas përfundimit të ndeshjes të skenuara në email apo më së voni 24 orë pas ndeshjes t'i dorëzojë në origjinal këto dokumente:

31.10.1. Ankesën në formë shkrimi;

31.10.2. Deklaratat e personave zyrtarë për ngjarjen kontestuese;

31.10.3. Protokolin e ndeshjes;

31.10.4. Raportin e Vëzhguesit.

31.11. Vëzhguesi është i obliguar të arrijë në palestrën ku do të zhvillohet ndeshja, një(1) orë para fillimit të ndeshjes.

31.12. Vëzhguesve iu ndalohet komentimi i të gjitha detajeve në lidhje me ndeshjen e zhvilluar dhe me detajet e cekura në raportin e vëzhguesit.

31.13. Pas përfundimit të ndeshjes, gjyqtarët dhe gjyqtarët ndihmës mund t'a braktisin fushën e lojës vetëm pas lejitimit të vëzhguesit të ndeshjes.

31.14. Për përgjegjësinë disiplinore të vëzhguesit vendos Komesari i Garave dhe Bordi i FBK-së në raste të veçanta.

31.15. Vëzhguesi, menjëherë pas përfundimit të ndeshjes është i obliguar që Komesarit të Garave t'ia dërgojë Raportin e Vëzhguesit me anë të postës elektronike.

Neni 32. Gjyqtarët

32.1. Listën e gjyqtarëve për ndarjen e drejtësisë në ndeshje, me propozim të Shoqatës së Gjyqtarëve të FBK-së, e miraton Bordi i FBK-së.

32.2. Delegimin e gjyqtarëve e bënë Komesari i Garave, në bazë të listës së aprovuar nga Bordi i FBK-së.

32.3. Klubet nuk mund të kërkojnë përjashtimin e gjyqtarëve dhe vëzhguesëve nga lista e aprovuar nga Bordi i FBK-së, apo nga ndeshja në të cilën është deleguar.

32.4. Gjyqtarët janë plotësisht të pavarur për marrjen e vendimeve. Janë të obliguar që me çdo kusht, nëse ekzistojnë kushtet normale, t'a sjellin ndeshjen gjer në përfundim të saj.

32.5. Gjyqtari i parë posaçërisht është përgjegjës për fushëveprimin tij, të përcaktuar me Rregullat zyrtare të lojës.

32.6. Gjyqtari i parë është përgjegjës edhe për:

32.6.1. Sjelljen e lojtarëve dhe personave zyrtarë gjatë lojës, që janë të ulur në bankinë;

32.6.2. Së bashku me vëzhguesin e ndeshjes vendosë për ndërprerjen e ndeshjes dhe për zbrazjen e pjesërishme apo të tërësishme të shikuesve, për anim jo sportiv dhe vulgarë drejtuar ndonjërit prej ekipeve, gjyqtarëve, personave zyrtarë dhe punëtorëve tjerë të basketbollit, si dhe hudhja e gjësendeve të forta në fushë, me të cilën rrezikohet siguria e pjesëmarrësve në ndeshje (pas vërejtjes së dytë të dhënë me anë të zërimit).

32.6.3 Në rast të cenimit të fushës së lojës nga individë të paautorizuar, përdorimi i pajisjeve piroteknike, mjeteve të forta ose objekteve tjera që rrezikojnë vazhdimin e ndeshjes, Gjyqtari i Parë në konsultim më vëzhguesin ka të drejtë të ndërprejë ndeshjen pa tërhequr vërejtjen paraprakisht.

32.6.4. Së bashku me vëzhguesin e ndeshjes vendos për ndërprerjen e ndeshjes dhe për zbrazjen e pjesërishme apo të tërësishme të palestrës në rast të incidenteve në fushë dhe jashtë saj. Në këto raste, gjyqtarët janë të obliguar që ndeshjen t'a vazhdojnë me zbrazjen e pjesërishme apo të tërësishme (totale) të palestrës, e nëse nuk ekzistojnë kushtet për vazhdimin e saj, ndeshja do të zhvillohet brenda 24 orëve pa prezencën e shikuesëve prej kohës dhe rezultatit në momentin e ndërprerjes së ndeshjes.

Shpenzimet e ekipit dhe personave zyrtarë për vazhdimin e ndeshjes në këto rrethana do t'i bartë ekipi e cila është fajtore për ndërprerjen e ndeshjes".

32.6.5. Me realizimin e sulmit fizik ndaj personave zyrtarë (gjyqtarëve dhe vëzhguesit), ndeshja ndërpritet menjëherë, pa vazhdim, me vendimin e marrë nga Gjyqtari i Parë. Ekipi përgjegjës për ndërprerjen e ndeshjes humb ndeshjen me rezultat zyrtar dhe nuk i takon asnjë pikë në tabelën e klasifikimit.

32.7. Gjyqtarët janë të obliguar të arrijnë në palestër ku do të zhvillohet ndeshja një orë para fillimit të saj, e 20 minuta para fillimit, të dalin në fushë në veshje (uniformë) të gjyqtarëve, matësi i kohës e lëshon orën për matjen e kohës.

32.8. Nuk lejohet që gjyqtarët të kenë veshje (uniformë) të ndryshme gjatë ndeshjes.

32.9. Gjyqtarët janë të obliguar që t'i zbatojnë në tërësi rregullat e lojës dhe interpretimin e tyre nga ana e FIBA-s, si dhe mos të lejojnë shkeljen e dispozitave të këtyre Propozicioneve dhe Rregulorës së Garave të FBK-së.

32.10. Gjyqtarët duhet të kenë kujdesë në pajtim me rregullat që:

32.10.1. Fanelat e lojtarëve të jenë të njejt;

32.10.2. Nuk duhet lejuar që lojtari të hyjë në fushë nëse nuk është i veshur si lojtarët tjerë të ekipit;

32.10.3. Për rregullsi në fushë dhe punën e tavolinës zyrtare;

32.10.4. Sjelljet e të gjithë personave në bankinat e të dy ekipeve.

32.11. Gjyqtari, i cili ka marr vendim për përjashtimin e lojtarit, trajnerit, personit zyrtar, apo ka paraqitur ndonjërin nga personat e cekur në fletë paraqitje, duhet t'a lajmërojë (njoftojë) vëzhguesin me arsytet e vendimit të marrë apo paraqitjes me shkrim.

32.12. Gjyqtarët janë të obliguar që në ftesë të vëzhguesit, t'i përshkruajnë të gjitha momentet (rastet) kontestuese të cilat kanë ndodhë në ndeshje, që të përshkruajnë arsytet për gabimet e dhëna teknike dhe përjashtimet (diskualifikimet) e lojtarëve, trajnerëve dhe përfaqësuesëve zyrtar, si dhe vendimet tjera të rëndësishme të cilat nuk kanë të bëjnë me rrjedhën e ndeshjes (zbrazja e pjesërishme apo e tërësishme e shikuesve etj).

32.13. Gjyqtarët dhe vëzhguesi nuk guxojnë të udhëtojnë në ndeshje me mjetin transportues (automobilin, autobusin etj) të ekipit e cila gjykohet nga ta.

32.14. Komesari i Garave i fton në përgjegjësi dhe i ndëshkon në shkallë të parë gjyqtarët të cilët nuk i respektojnë dispozitat e rregullave të basketbollit, dhe nuk e kryejnë detyrën e tyre sipas këtyre Propozicioneve.

32.15. Komesari i Garave , në shkallë të parë i ndëshkon gjyqtarët të cilët bëjnë shkeljen e Rregullave të Lojës.

32.16. Gjyqtarëve i'u ndalohet komentimi i të gjitha detajeve lidhur me ndeshjen e zhvilluar dhe me detajet e cekura në raportin e ndeshjes.

32.17. Pas përfundimit të ndeshjes, gjyqtarët mund t'a braktisin fushën vetëm me lejin e vëzhguesit .

Neni 33. Gjyqtarët ndihmës

33.1. Gjyqtarët ndihmës në ndeshje i cakton ekipi vendës;

33.2. Gjyqtarët ndihmës duhet të jenë të veshur njësoj;

33.3. Gjyqtarët ndihmës të cilët nuk i respektojnë dispozitat e Rregullave të basketbollit dhe detyrën e tyre nuk e kryejnë sipas këtyre Propozicioneve, do të ftohen në përgjegjësi disiplinore dhe do të ndëshkohen nga Komesari i Garave.

33.4. Vëzhguesi i ndeshjes ka të drejtë të përshtojë nga tavolina zyrtare gjyqtarët të cilët nuk i respektojnë dispozitat e rregullave të basketbollit dhe detyrën e tyre nuk e kryejnë sipas këtyre Propozicioneve. Në këtë rast klubi ka 30 minuta kohë që të gjejë zëvendësimin për gjyqtarin ndihmës të përjashtuar.

33.4. Pas përfundimit të ndeshjes, gjyqtarët ndihmës mund t'a braktisin fushën vetëm me lejin e vëzhguesit .

ANKESA

Neni 34. Ankesa në ndeshje

34.1. Në rast të ankesës së paraqitur nga ekipi i cili mendon se është dëmtuar me vendimet e gjyqtarëve, me paraqitjen e lojtarit i cili nuk është regjistruar sipas Rregullores mbi regjistrimin e lojtarëve, apo me paraqitjen e lojtarit të dënuar, ankesa duhet të bëhet sipas këtyre kushteve:

34.1.1 Kapiteni i ekipit **DUHET** të nënshkruhet menjëherë në vendin e caktuar pas përfundimit të ndeshjes në Protokolin e ndeshjes.

34.1.2. T`ia dorëzojë vëzhguesit me shkrim sqarimet e ankesës më së voni 20 minuta pas përfundimit të ndeshjes. Pastaj, personat zyrtarë të ndeshjes (gjyqtarët dhe vëzhguesi), secili veç e veç, duhet të japin mendimin me shkrim në lidhje me ankesën, e në rast kërkesës me shkrim të Komesarit të Garave, edhe raportin plotësues.

34.1.3. Klubi duhet të bëjë deponimin e shumës në lartësi prej 300,00€ në llogarinë e FBK-së më së voni në ditën e parë të punës pas përfundimit të ndeshjes.

34.1.4. Klubi mundet, por nuk është i obliguar, të dorëzojë plotësimet e ankesës më së voni ditën e parë të punës pas përfundimit të ndeshjes.

34.2. Ankesa, e cila nuk është lajmëruar me nënshkrimin e kapitenit të ekipit, nuk i është dhënë me kohë vëzhguesit të ndeshjes dhe nuk është bërë deponimi i shumës në afatin e caktuar, do të refuzohet dhe nuk do të merret parasysh.

34.3. Për përcaktimin e terminit të saktë të datës së deponimit të shumës për ankesë do të merret parasysh fletëpagesa postare apo bankare.

34.4. Komesari i Garave mund të marrë vendim për miratimin e ankesës apo refuzimin e saj.

34.5. Nëse ankesa miratohet, Komesari i Garave mund të urdhërojë zhvillimin e sërishëm të ndeshjes apo do të regjistrojë me rezultat zyrtar nëse për këtë plotësohen kushtet e përcaktuara me këto propozicione, Rregulloren e Garave dhe Rregullat Zyrtare të Basketbollit. Me miratimin e ankesës nga ana e Komesari të Garave, bëhet kthimi i mjeteve të deponuara në shumë prej 300,00€.

34.6. Nëse ankesa refuzohet Komesari i Garave do të regjistrojë ndeshjen me rezultatin e arritur.

34.7. Vendimin për ankesën e ndeshjes, Komesari duhet t`a marrë më së voni 72 orë pas përfundimit të ndeshjes.

34.8. Në ndeshjet e Plejofit, turnetë finale apo tempoja e zhvillimit të ndeshjeve e cila kërkon reagim të shpejtë, Komesari i Garave vendimet duhet t`i sjellë në afat prej 24 orëve pas përfundimit të ndeshjeve, e me këtë duhet të dorëzohen të gjitha dokumentet e nevojshme (ankesa, deklaratat e akterëve, personave zyrtarë etj), duhet t`i dorëzohen Komesarit të Garave në afatin e cekur.

34.9. Për shkak të paraqitjes objektive të fakteve rreth procesdurës së ankimit, Komesari i Garave mund të kërkojë nga SHGJFBK (apo komisioni përkatës) mendimin profesional (ekspertizën e gjyqimit), në afat prej 48 orësh pas përfundimit të ndeshjes).

Neni 35 Ankesa në vendimin e Komesarit të Garave

35.1. Në vendimin e Komesarit të Garave është e lejuar ankesa Komisionit Arbitrar të FBK-së, e cila dorëzohet më së voni 24 orë pas marrjes së vendimit.

35.2. Për ankesë, paraqitësi i ankesës duhet të deponojë në llogarinë e FBK-së shumën prej 300.00 €.

35.3. Ankesa e cila nuk është dorëzuar me kohë tek Komisioni Arbitrar, apo nuk është deponuar shuma e caktuar refuzohet dhe nuk do të shqyrtohet.

35.4. Komisioni Arbitrar vendimin e merr në afat prej 48 orëve. Vendimi i Komisionit Arbitrar është përfundimtar dhe pa të drejtë ankese.

35.5. Në vendimin e Komisionit Arbitrar, pala e pakënaqur ka të drejtë juridike, kërkesë për mbrojtjen e ligjshmërisë para Bordit të FBK-së, por vetëm në rastin kur mendon se vendimi i Komisionit Arbitrar ka bërë shkelje materiale të akteve normative të FBK-së.

35.6. Gjatë Play-Off-it, pas ankesës së dorëzuar të ekipit, në ftesë të Komesarit të Garave, Komisioni Arbitrar mblidhet dhe menjëherë merr vendim për ankesën e dorëzuar.

35.7. Nëse ankesa aprovet, shuma e deponuar do t'i kthehet paraqitësit të ankesës.

35.8. Ankesat në vendimin e Komesarit të Garave në ndeshjet finale paraqiten dhe shumat deponohen njësoj sikur te pjesa e rregullt e garave.

35.9. Komesari i Garave vendimet e veta i shpallë nëpërmjet të **postës elektronike**.

35.10. Në këto vendime paraqitësi i ankesës ka të drejtë ankese në afat prej 24 orëve nga marrja e vendimit, apo dita e publikimit në ëeb-faqen e FBK-së.

35.11. Ankesa në ndeshjet e Plejofit paraqitet me anë të postës elektronike, apo dorëzohet me shkrim në afat i cili nuk pengon zhvillimin e rregullt të garave.

35.12. Vendimi i Komisionit Arbitrar i dërgohet klubeve me anë të **postës elektronike** dhe publikohet në **ëeb-faqen e FBK-së**. Vendimi nënkuptohet i shpallur në momentin kur i është dërguar klubit apo është publikuar në ëeb-faqen e FBK-së.

REGJISTRIMI I NDESHJEVE

Neni 36. Regjistrimi i ndeshjeve

36.1. Komesari i Garave bën regjistrimin e ndeshjeve në bazë të raporteve të pranuar nga vëzhguesit e ndeshjeve.

36.2. Të gjitha ndeshjet për të cilat ekzistojnë ankesat apo rastet tjera të cilat nuk lejojnë regjistrimin e ndeshjes, Komesari i Garave është i obliguar që t' i regjistrojë në afatin sa më të shkurtër, gjegjësisht, më së voni 7 ditë pas përfundimit të xhiros apo të ndeshjes.

36.3. Në rast kur është paraqitur ankesa apo ekzistojnë raste të tjera për të cilat ndeshja nuk mund të jetë e regjistruar, afati i regjistrimit shtyhet (pezullohet) deri në ditën e marrjes së vendimit, gjegjësisht deri në marrjen e vendimit për zgjedhjen e rastit për të cilin ndeshja nuk është regjistruar.

36.4. Të gjitha ndeshjet për të cilat nuk ka ankesa apo raste të tjera të cilat nuk lejojnë regjistrimin e ndeshjes, Komesari i Garave është i obliguar që t' i regjistrojë 48 orë pas përfundimit të ndeshjeve.

36.5. Njëherë ndeshja e regjistruar apo vendimi i marrë nuk mund të anulohet nga ana e organit të njejtë.

NDARJA E PIKËVE DHE PLASMANI I EKIPEVE

Neni 37. Mënyra e ndarjes së pikëve, përcaktimi i plasmanit

37.1. Mënyra e ndarjes së pikëve dhe përcaktimi i plasmanit të ekipeve në sistemin e garave bëhet në bazë të dispozitave, të Rregullave zyrtare të basketbollit, Rregullores së garave dhe këtyre Propozicioneve.

37.1.1. Nëse dy ekipe në fund kanë tubuar numër të njejtë të pikëve, renditja e tyre do të përcaktohet në bazë të ndeshjeve të zhvilluara në mes tyre;

37.1.2. Nëse numri i fitoreve në ndeshjet në mes tyre është i barabart, atëherë renditja përcaktohet në bazë të koshdiferencës në ndeshjet ndermjet tyre. Nëse koshdiferenca në ndeshjet e zhvilluara në mes tyre është e njejtë, atëherë renditja përcaktohet në bazë të koshdiferencës duke llogaritur rezultatet e arritura në të gjitha ndeshjet e zhvilluara të të dy ekipeve gjatë edicionit garues;

37.1.3. Koshdiferenca llogaritet duke zbritur numrin e koshave të shënuar me numrin e koshave të pësuar;

37.1.4. Nëse më shumë se dy ekipe kanë tubuar numër të njejtë të pikëve, renditja përcaktohet vetëm në bazë të rezultateve të arritura në ndeshjet në mes tyre;

37.1.5. Nëse më shumë se dy ekipe kanë tubuar numër të njejtë të pikëve dhe numri i fitoreve në ndeshjet në mes tyre është i barabart, renditja përcaktohet në bazë të koshdiferencës në ndeshjet e zhvilluara në mes tyre.

37.1.6. Nëse më shumë se dy ekipe kanë numër të barabart të fitoreve dhe koshdiferencë të njejtë në ndeshjet e zhvilluara në mes tyre, renditja caktohet në bazë të koshdiferencës duke i llogaritur të gjitha ndeshjet e zhvilluara gjatë edicionit garues;

37.1.7. Nëse edhe koshdiferenca është e njejtë, renditja do të caktohet në bazë të hudhjes së shortit .

37.1.8. Procedurën e hudhjes së shortit e cakton dhe e zbaton Komesari i Garave, në prani të përfaqësuesëve të ekipeve;

37.2. Mënyra e përcaktimit të plasmanit të ekipeve do të zbatohet në pjesën e parë të edicionit, pas zhvillimit të të gjitha ndeshjeve, dhe pas përfundimit të edicionit garues.

DISPOZITAT FINANCIARE

Neni 38 Sanksionet

38.1. Klubet janë të obliguara që obligimet e tyre financiare t'i paguajnë:

38.1.1. Borxhet nga edicioni i kaluar, në bazë të Vendimit të Bordit apo më së voni 15 ditë para fillimit të edicionit të ri garues;

38.1.2. Më së voni 8 orë para fillimit të ndeshjes për dënimeve e shqiptuara në ndeshjet e rregullta të edicionit garues;

38.1.3. Më së voni 8 orë para fillimit të ndeshjeve të Play-Off-it për obligimet e bëra ;

38.1.4. Pagesa e dënimeve dhe obligimeve tjera materiale, bëhet nëpërmjet bankës ose në mënyrë elektronike. Rreptësisht ndalohet pagesa e dënimeve me para në dorë (cash).

38.1.5. Pagesa e dënimeve dhe obligimeve tjera për shkak të sjelljes së shikuesve ose organizmit të dobët të ndeshjes mund të paguhet deri në afatin prej 8 orësh para fillimit të ndeshjes së ardhshme si vendës.

38.2. Nëse obligimet financiare nuk paguhen në afate të caktuara, Komesari i Garave do të marrë vendim për suspendim. Gjatë kohës së suspendimit, lojtari, ose cilido anëtar apo zyrtar i klubit, gjeëgësisht klubi nuk ka të drejtë paraqitjeje në asnjë aktivitet të organizuar nga FBK Klubi humb ndeshjen me rezultat zyrtarë 20:0 dhe nuk merr pikë për këtë ndeshje. Suspendimi vlen gjer më pagesën e obligimeve financiare të lojtarit apo klubit. Me pagesën e obligimit financiar suspendimi automatikisht nuk vlenë më.

Neni 39. Ankesa në vendimin e suspendimit të klubit

39.1. Kundër vendimit të Komesarit të Garave për suspendimin e klubit për shkak të mospagesës së obligimeve, klubi ka të drejtë ankesë Komisionit Arbitrar të FBK-së në afat prej 24 orëve nga marrja e vendimit. Ankesa nuk e shtyn zbatimin e vendimit.

39.2. Komisioni Arbitrar bën shqyrtimin e ankesës në vendimin për suspendim e ekipit në afat prej 48 orëve pas marrjes së ankesës. Vendimi i Komisionit Arbitrar është përfundimtar.

SHKELJET DHE DËNIMET

Neni 40	ORGANIZIMI I NDESHJES	Shuma e denimit	
		U18,U16	U14 , U12
40.1	Paraqitja me vonesë e ndeshjes	30.00€	20.00€
40.2	Ndërrimi i terminit 48 orë para ndeshjes	30.00€	20.00€
40.3	Ndërrimi i terminit në këtë afat mund të bëhet vetëm me pëlqimin e klubit dhe Komesarit të Garave me dënim prej	30.00€	20.00€
40.4	-Mungesa e mjekut kujdestar -Mungesa (numër i pamjaftuar) e pjesëtarëve të PK-së	20.00	20.00€
40.5	-Shërbimi i dobët i kujdestarisë -Mungesa e personit dhe paisjes për pastrimin e fushës	10.00€	10.00€
40.6	Mos sigurimi i zhveshtoreve për skuadrën mike dhe gjyqtarët	50.00€	30.00€
40.7	-Organizimi i dobët i tavolinës zyrtare	20.00€	15.00€
40.8	Pengimi i punës së tavolinës zyrtare, vëzhguesit dhe gjyqtarëve nga ana e personave të pa autorizuar para, gjatë dhe pas ndeshjes.	50.00€	35.00€
40.9	Mosvendosja e flamurit shtetëror	10.00€	10.00€
40.10	Mosudhëheqja Live e statistikave të ndeshjes		-
40.11	Mosrespektimi i nenit 28 të Propozicioneve të Garave-sigurimi i ftesave për FBK dhe biletave për shikuesit e ekipit mysafir		-
40.12	Mos sigurimi i dy(2) topave për skuadrën mike dhe topit me logo	30.00€	20.00€
40.13	Mosparaqitja e lojtarëve me logo të FBK, Mosparaqitja e lojtarëve me fanella dhe brekë me ngjyrë të njejtë, dhe dukshmëria jo e mire e numrave	20.00€ 20.00€	15.00€ 15.00€
40.14	Mungesa apo aparatet teknike jo në rregull, mungesa e paisjeve ndihmëse	20.00€	15.00€
40.15	Organizimi i dobët në tërësi sipas konstatimit të vëzhguesit	50.00€	30.00€
40.16	Ndriqimi i pamjaftuar në palestër	50.00€	30.00€
40.17	Mos respektimi i nenit 35 të PG – mos dorëzimi i Video xhirimeve		-
40.18	Mosigurimi i lokalit dhe PC për përpilimin e raportit të vëzhguesit	20.00€	10.00€
40.19	Mungesa e licencave	20.00€	10.00€

xxxx	Në raste të përsëritura, dënimi dyfishohet në krahasim me rastin e parë.Me “Organizimi i ndeshjes”, dënimet konsiderohen si dënime mandatare (administrative) dhe nuk lejohet parashtrimi i ankesës.	XXXXXXXXXX	XXXXXXXXXX
Neni 41	ORGANIZIMI I DOBËT- SJELLJA E SHIKUESVE	XXXXXXXXXX	XXXXXXXXXX
41.1.	Konsumimi i duhanit	20.00€	10.00€
41.2.	Hudhja e gjëseneve të buta në fushë, pasi shikuesve i’u është dhënë vërejtje (rrollne të letrave, letra të imëta, qese najlloni etj).	20.00€	10.00€
41.3.	Hudhja e gjëseneve të forta të cilat mund të shkaktojnë lëndime (para nga metali, stilolapsa, shishe plastike të mbushura, mjete të ndezura etj).	50.00€	30.00€
41.4.	Hudhja e gjëseneve të forta të cilat mund të shkaktojnë lëndime me rrezik për jetë (gurë, karrige, dërrasa etj).	50.00 e	30.00€
41.5.	Pshtyrja në lojtarë dhe persona zyrtarë nga ana e shikuesve	50.00€	30.00€
41.6.	Animi dhe sjellja josportive e shikuesve ndaj: -Gjyqtarëve, lojtarëve, ekipit mik dhe personave zyrtarë -Institucioneve, FBK-së etj - Animi dhe sjellja josportive e shikuesve me ofendime nacionale, fetare dhe racore si dhe vendosja e transparenteve me ofendime josportive, racore dhe nacionale.	50.00€ 50.00€ 50.00€	30.00€ 30.00€ 20.00€
41.7.	Nëse animet vazhdojnë sipas nenit 41.6.edhe pas vërejtjes së dhënë nga prezantuesi i ndeshjes, ndeshja do të ndërprehet dhe shikuesit do të largohen nga salla.	--	--
41.8.	Nëse animi josportiv nga neni 41.7. vazhdohet dhe ndërprerja për largimin e shikuesve zgjatë më tepër se 15 min. dhe nëse palestra nuk ka mundësi dhe kushte që të zbrazet, ndeshja do të ndërpritet dhe do të vazhdohet brenda 24 orëve pa prezencën e shikuesve me kohën dhe rezultatin dhe të gjitha shenimet nga protokoli në momentin e ndërprerjes së ndeshjes. Dënimi me para: dhe Dënimi i fushës (sallës) pa prezencën e shikuesve:	500.00€ 1-2ndeshje	300.00€ 1-2ndeshje
41.9.	Nëse në fushë hedhen gjësende të forta nga neni 41.3. dhe 41.4. dhe të njëjtat lëndojnë lojtarët, trajnerët, personat zyrtarë dhe ndeshja ndërpritet pa vërejtjen e dhënë. Dënimi me para: dhe Dënimi i fushës (sallës)	500.00€ 1-2ndeshje	300.00€ 1-2ndeshje
41.10.	Hedhja në fushë apo në tribuna të petardeve, bombave tymi apo ndezja e fishekzjarreve para dhe gjatë ndeshjes, të cilat shkaktojnë dukshmëri të dobët apo kushte të padurueshme për shikimin e ndeshjes	100.00€	80.00€
41.11.	Nëse dukshmëria e dobët dhe tymi shkaktojnë probleme dhe pa mundësi të vazhimit të ndeshjës (shikuesve iu është dhënë vërejtje dhe ata vazhdojnë me piroteknik) për ndeshjen e ndërprerë më tepër se 15 min. do të zbatohet neni 41.8. i Propozicioneve Dënimi me para: dhe Dënimi i fushës (sallës) pa prezencën e shikuesve:	500.00€ 1-2ndeshje	300.00€ 1-2ndeshje
41.12.	-Hyrja e personave jozyrtarë në fushë para, gjatë dhe pas ndeshjes -Hyrja e personave oficiel (udhëheqësi teknik, përfaqësuesi zyrtar, udhëheqësi etj) në lokalin ku përpilohet raporti i vëzhguesit.	100.00€ 50.00€	50.00€ 50.00€
41.13.	Në rast të agresivitetit të këtyre personave- të cilët përpiqen që të realizojnë sulm fizik ndaj ekipit mik, personave zyrtarë dhe të tjerëve në fushë, rreth fushe, korridoreve, lokaleve dhe jasht sallës		

Neni 47.
Shkeljet
dhe
dënimet

Neni 47.1.
Komesari i
Garave në
shkallë të
parë i
shqipton
dënimet
për

	Dënimi me para: dhe Dënimi i fushës (sallës) pa prezencën e shikuesve:	500.00€ 2 ndeshje	300.00€ 2 ndeshje
41.14.	Nëse është bërë realizimi i sulmit fizik dhe nëse ndeshja ka përfunduar në kohë të rregullt Dënimi me para: Dënimi i fushës (sallës) pa prezencën e shikuesve:	500.00€ 3 ndeshje	300.00€ 3 ndeshje
41.15.	Nëse është realizuar sulmi fizik ndaj personave zyrtarë pas përfundimit të ndeshjes Dënimi me para: dhe Dënimi i fushës (sallës) pa prezencën e shikuesve:	500.00€ 3 ndeshje	300.00€ 3 ndeshje
41.16.	Nëse është realizuar sulmi fizik ndaj personave zyrtarë para dhe gjatë ndeshjes, dhe nëse ndeshja është ndërprerë para kalimit të kohës (në pajtim me nenin 39.6.4. të propozicioneve) Dënimi me para: dhe Dënimi i fushës me mos lojë	500.00€ 3 ndeshje	300.00€ 3 ndeshje
Nëse rastet përsëriten dënimet do të dyfishohen			
Neni 42	LOJTARËT, TRAJNERËT, NDIHMËS TRAJNERËT, PERSONAT ZYRTARË TË EKIPEVE, ANËTARËT DHE PËRFAQËSUESIT TJERË TË EKIPEVE	xxxxxxx	Xxxxxxxxx
A/	KËRCËNIMET, OFENDIMET, SJELLJET JOSPORTIVE	xxxxxxxxx	Xxxxxxxxx
42.1.	Gabimi teknik i lojtarit Gabimi teknik i lojtarit për FLOPING (duhet të paraqitet në raportin e vëzhguesit për FLOPING) nuk ka dënim mandatar.	25.00€ =====	15.00€ =====
42.2.	Gabimi teknik I trajnerit	25.00€	15.00€
42.3.	Lojtari i përjashtuar (përveç të dy gabimeve të qëllimta në një ndeshje), trajneri dhe ndihmës trajneri suspendohen automatikisht gjer më dhënien e denimit, me ndalimin e paraqitjes në ndeshjen e ardhshme Dënimi me para:	100.00€	30.00€
42.4.	Sjellja josportive, fletëparaqitja nga ana e personave zyrtarë, sjelljet josportive të konstatuara me transmetim të TV-së, videohirimet apo prezenca e Komesarit të Garave në ndeshje Dënimi me para: dhe Dënimi me ndalesë te paraqitjes apo mos ushtrimi i detyrës:	100.00€ 1-2ndeshje	30.00€ 1-2ndeshje
xxxxx	Në rastet e përsëritura dënimi sipas këtij neni dyfishohet	xxxxxxxxx	Xxxxxxxxx
B/	PËRPJEKJA DHE REALIZIMI I SULMIT FIZIK	xxxxxxxxx	Xxxxxxxxx
42.5.	Sjellja josportive, me përpjekje të sulmit fizik dhe pshtyerja ndaj lojtarit kundërshtar, personit zyrtarë të klubit apo personave zyrtarë (vëzhguesit, gjyqtarëve dhe gjyqtarëve ndihmës) para, gjatë dhe pas përfundimit të ndeshjes Dënimi me para: dhe Dënimi i fushës (sallës) pa prezencën e shikuesve:	100.00€ 1-2ndeshje	70.00€ 1-2ndeshje
42.6.	Rrahja ndërmjet veti të lojtarëve kundërshtarë, goditja e lojtarit kundërshtarë para, gjatë dhe pas përfundimit të ndeshjes Dënimi me para dhe 1. Për pjesëmarrësin-it në rrahje 2. Për nxitësin (iniciatorin) e incidentit	1) 100.00€ 2-ndeshje 2) 200,00€ 4-ndeshje	1) 70.00€ 2-ndeshje 2) 150,00€ 4-ndeshje

42.7.	Realizimi i sulmit fizik ndaj personave zyrtarë Dënimi me para: dhe Ndalesa e paraqitjes në ndeshje apo ushtrimi të detyrës	500.00€ 1 vit	400.00€ 1 vit
--------------	---	--------------------------------	--------------------------------

Rastet e përsëritura sipas këtij neni nga ana e personave zyrtarë të ekipeve si dhe përfaqësuesve të tjerë të klubeve, të njëjtit do të suspendohen dhe licenca do të mirret gjer në fund të edicionit garues

Neni 43	PËRBËRJA E EKIPIT	XXXXXXXXXX	XXXXXXXXXX
43.1.	Nëse ekipi nuk paraqitet në përbërjen më të mire	100.00€	50.00€
43.2.	Nëse ekipi paraqitet me më pak se 10 lojtarë në ndeshje, për çdo lojtarë nën numrin 10	30.00€	20.00€
43.3.	Nëse ndonjëri prej personave zyrtarë të Superliga Meshkujt, përveç të fizio-terapeutit nuk ka veshje zyrtare		

Në rastet e përsëritura sipas këtij neni në ndeshjet kampionale dhe të kupës dënimet do të dyfishohen

Neni 44	APARATURA E ZËRIMIT, INSTRUMENTET MUZIKORE	XXXXXXXXXXX	XXXXXXXXXX
44.1.	Mungesa apo aparatura jo në rregull e zërimit		XXXXXXXXXX
44.2.	Lëshimi i muzikës në sallë nëpërmjet të aparaturës së zërimit gjatë kohës së ndeshjes (koha dhe topi i gjallë), përdorimi i zërimit për nxitjen e shikuesve për anim, marketing politik, përdorimi i sirenave dhe mjeteve tjera të cilat bëjnë zhurmë		XXXXXXXXXX
44.3.	Hyrja në fushë e maskotës së klubit gjatë kohës së lojës apo gjatë ndërprerjeve të shkurta pa lejen e gjyqtarëve		XXXXXXXXXX

Në rastet e përsëritura sipas këtij neni në ndeshjet kampionale dhe të kupës dënimet do të dyfishohen

Neni 45	MARKETINGU	XXXXXXXXXXX	XXXXXXXXXXX
45.1.	Mosrespektimi i dispozitave të marrëveshjeve të nënshkruara nga Bordi i FBK-së me sponsorët	200.00€	150.00€
45.2.	Në rastin e përsëritjes së shkeljes sipas nenit 53.1	Dyfishim I dënimet	Dyfishim I dënimet
45.3.	Nëse lojtarët, trajneri apo klubi mungon pa arsye në ndeshjet All Star dhe nuk lajmërojnë me kohë për mungesë: Dënimi për lojtarë Dënimi për trajnerë dhe klub		

Neni 46	VËZHguesi, GJYQTARËT DHE GJYQTARËT NDIHMËS	Mos delegim në :
46.1.	Kryerja e papërgjegjshme e detyrës, mos zbatimi i udhëzimeve dhe vendimeve të Komesarit të Garave, Propozicioneve të Garave, rregullave zyrtare të lojës	4 ndeshje
46.2.	Paraqitja jo objektive e fakteve në raport dhe fshehja e fakteve	2-4 ndeshje
46.3.	Dorëzimi jo me kohë i raportit të ndeshjes nga ana e vëzhguesit	4 ndeshje
46.4.	Përdorimi i veshjës jo të rregullt për ndarjen e drejtësisë, mungesa e ndonjë pjese të veshjes (uniformës) apo të veshjës së ndryshme nga kolegët e tij	2 ndeshje
46.5.	Mosparaqitja me kohë në ndeshje (1 orë para fillimit të ndeshjes) 5-15 minuta 15-30 minuta	1 ndeshje 2 ndeshje

46.6.	Mosparaqitja me kohë në fushën e lojës (20 minuta para fillimit të ndeshjes) 2-5 minuta Më shumë 5 minuta	1 ndeshje 3 ndeshje
46.7.	Mosparaqitja e pa arsyeshme në ndeshje Gjer në mbarimin e edicionit garues	Fshierja nga lista për edicionin garues
46.8.	Konsumimi i alkoolit në ditën e ndarjes së drejtësisë, para fillimit të ndeshjes	5 ndeshje
46.9.	Ndarja jo e mirë e drejtësisë sipas raportit të Kontrolorit të ndeshjes apo shiqimit të video xhirimit të ndeshjes	1-2 ndeshje
46.10.	Ndarja e dobët e drejtësisë sipas raportit të Kontrolorit të ndeshjes apo shiqimit të video xhirimit të ndeshjes	4 ndeshje
46.11.	Bërja e gabimit material të rregullave të lojës sipas vlerësimit të vëzhguesit apo kontrolorit të ndeshjes por pa ndikim të drejtpërdrejtë në rezultatin përfundimtarë të ndeshjes	4 ndeshje
46.12.	Bërja e gabimit material të rregullave të lojës me ndikim të drejtpërdrejtë në rezultatin përfundimtarë të ndeshjes	10 ndeshje
46.13.	Gjyqtari apo vëzhguesi i cili tenton ose realizon sulmin fizik ndaj lojtarit, trajnerit ose personit zyrtarë të skuadrës	Fshierja nga lista për edicionin garues
46.14.	Gjyqtari apo vëzhguesi i cili tenton ose realizon sulmin fizik ndaj kolegut apo vëzhguesit ose vëzhguesit ndaj gjyqtarit	Fshierja nga lista për edicionin garues
46.15.	Gjyqtari apo vëzhguesi i cili nuk merr pjesë në seminarët dhe testimet e obliguara para dhe gjatë edicionit garues Abstenimi nga ndeshja	Fshierja nga lista për edicionin garues
46.15	Gjyqtari i dënuar tri (3)herë për shkak të mos respektimit të nenit 46.1-46.12	Fshierje nga lista për edicionin garues
46.16.	Gjyqtari apo vëzhguesi i cili publikisht kritikon vendimet e marrura të FBK, punën e komesarit të Garave dhe Komisioneve të FBK	Fshierje nga lista për Edicionin garues

përcaktuara me këto Propozicione të Garave.

Neni 47.2. Komesari i Garave mund të shqiptojë dënime sipas këtyre kriterëve për akterët e ndeshjeve edhe pse ata nuk janë shënuar dhe nuk janë sanksionuar nga ana e vëzhguesit dhe gjyqtarët, por është konstatuar nga video xhirimet e ndeshjes apo prezencës së tij në ndeshje.

Neni 47.3. Për shkeljet e rënda të lojtarëve, trajnerëve, përfaqësuesve zyrtarë të klubeve dhe përfaqësuesve zyrtarë në ndeshje, dënimet shqiptohen edhe në bazë të Rregullores Disiplinore të FBK-së.

Neni 47.4. Dënimet e shqiptuara për ndalimin e paraqitjes në ndeshje, gjegjësisht kryerjes së detyrës në numër të caktuar të ndeshjeve, zbatohet sipas tempos së delegimit, në pajtim me orarin dhe kalendarin e garave kampionale dhe të kupës.

Neni 47.5. Në rast që dënimi i shqiptuar nuk ka kaluar në edicionin garues ai do të bartet në edicionin e ardhshëm garues pa marrë parasysh në ndërrimin eventual të shkallës së garave, klubit apo emërimit.

Neni 47.6. Personit të cilit i është shqiptuar dënimi kohor, gjatë kohës së mbajtjes së dënimit nuk mund të ushtrojë asnjë detyrë në sportin e basketbollit. Dënimi i shqiptuar kohor nga trupat e autorizuara botërore, evropiane dhe regionale do të vlejë edhe në ndeshjet e zhvilluara në FBK.

Neni 47.7. Në rast të shqiptimit të dënimit të një shkelësi, për dy apo më tepër shkelje në një ndeshje, dënimi i tërësishëm duhet të jetë diç më i vogël se sa mbledhja e të gjitha dënimeve.

Neni 47.8. Nëse ekipi në ndeshje paraqitet me lojtarin i cili nuk ka të drejtë paraqitjeje, apo ekipi nuk posedon licencën e lëshuar nga komisioni për regjistrim (Komesari i Garave), apo ndeshjen e udhëheqë trajneri i dënuar, kjo ekipë e humb ndeshjen me rezultat zyrtarë 20:0 dhe nuk merr asnjë pikë.

Neni 47.9. Nëse ekipi nuk paraqitet pa arsye për zhvillimin e ndeshjes, ndeshjen e humb me rezultat 20:0 dhe nuk merr asnjë pikë.

Neni 47.10. Ekipi që në një edicion garues humb 2 ndeshje të përshkruara me nenin 47.8. dhe 47.9. do të largohet nga garat e mëtutjeshme dhe në vitin e ardhshëm garues nuk mund të paraqitet në të njëjtën ligë të garave.

Neni 47.11. Ekipi që e braktisë në mënyrë arbitrare fushën e lojës para përfundimit të ndeshjes dhe nuk kthehet për vazhdimin e ndeshjes pas kohës së Time-out të mbetur për atë periudhë apo në ftesë të gjyqtarit të parë, do të largohet nga garat e mëtutjeshme dhe në edicionin e ardhshëm garues nuk ka të drejtë të paraqitet në atë rang garash .

Neni 47.12. Nëse ekipi pa arsye nuk paraqitet për zhvillimin e ndeshjes së plejofit “më i mirë nga trindeshje” apo në mënyrë arbitrare e braktisë fushën dhe nuk kthehet për të vazhduar ndeshjen në ftesë të gjyqtarit të parë, i humb të gjitha ndeshjet në fazën e garave të Play-Off-it. Dënohet me 2.000€ dhe bie në rang më të ulët.

Neni 47.13. Nëse ekipi pa arsye nuk paraqitet për zhvillimin e ndeshjes së Plejofit apo e braktisë ndeshjen “**më i mirë nga ndeshjet**” do të dënohet me 2.000€ kurse me rastin e përsëritjes do të dënohet me 4.000€ dhe i humb të gjitha ndeshjet në fazën e mbetur të garave të Play-off-it dhe në edicionin e ardhshëm garues nuk ka të drejtë të paraqitet në atë rang garash.

Neni 48. Dënimi i ndalesës për zhvillimin e ndeshjës në fushën e saj

Neni 48.1. Në rast që klubi vendës është dënuar me ndalesë të zhvillimit të ndeshjeve në fushën e tij, duhet:

Neni 48.1.1. Që të caktojë vendin për zhvillimin e ndeshjes i cili është në largësi më së paku prej 30km nga vendi për të cilin është caktuar dënimi dhe palestrën e cila është e licencuar për zhvillimin e ndeshjeve kampionale.

Neni 48.1.2. Fusha e cila është caktuar për zhvillimin e ndeshjës mund të jetë edhe në qytetin nga është kundërshtari por nuk guxon të zhvillohet në sallën ku ekipi kundërshtare paraqitet si ekipë vendase.

Neni 48.1.3. Nëse ndeshja zhvillohet në fushën e cila në krahasim me fushën e dënuar është në distancë më të madhe, ekipa vendëse është e obliguar që ekipit mike t’ia kompensojë ndryshimin e shpenzimeve të udhëtimit. Ndryshimin e shpenzimeve të udhëtimit e përcakton Komesari i Garave pas pranimit të dokumentacionit komplet për mënyrën e udhëtimit të ekipit mike.

Neni 49 Dënimi dhe ndalesën e prezencës së shikuesve

Neni 49.1. Në rast që ekipi vendës-organizatori është dënuar që ndeshjet vendase t’i zhvillojnë pa prezencën e shikuesve, është e obliguar:

Neni 49.1.1. Që të sigurojë palestrën e regjistruar për atë nivel të garave.

Neni 49.1.2. Vlejnë dispozitat e nenit 48.1.2 dhe 48.1.3.

Neni 49.1.3. Që të sigurojë që në palestër, përveç ekipeve të jenë të pranishëm vetëm personat zyrtarë, kujdestarët, organi për sigurim dhe përfaqësuesit e mjeteve të informimit publik.

Neni 49.2. Delegati i ndeshjes është i autorizuar që të kërkojë nga organizatori largimin e të gjithë personave jozyrtarë nga palestra, para apo nëse është e nevojshme edhe gjatë ndeshjes kurse vëzhguesi nuk guxon të lejojë që ndeshja të fillojë pa u plotësuar këto kushte.

Neni 50 Evidenca e dënimeve të shqiptuara

Neni 50.1. Komesari i Garave dhe administrata janë të obliguar që nëpërmjet të informatorëve të informojnë për dënimet e shqiptuara sipas xhirove apo kohës me terminet e sakta të caktuara.

Neni 50.2. Në rastet urgjente informimi kryhet nëpërmjet postës elektronike, kurse përmbajtja në informatorin e ardhshëm.

Neni 50.3. Komesari i Garave para çdo edicioni garues njofton për obligimet e klubeve dhe dënimet nga edicioni i kaluar garues. Në të kundërtën klubet mbajnë përgjegjësi për lëshimet eventuale sipas këtij qëndrimi.

DISPOZITAT PËRFUNDIMTARE

Neni 51 AKTET E FIBA

51.1. Të gjitha rastet të cilat nuk janë paraparë, apo nuk janë përfshirë në këto Propozicione, Komesari i Garave i zgjedh me zbatimin e akteve të përgjithshme të Federatës Ndërkombëtare të Basketbollit-FIBA.

Neni 52. Mënyra e miratimit, ndërrimeve dhe plotësimeve të Propozicioneve

52.1. Propozicionet e garave i miraton Bordi i FBK-së në propozim të Komesarit të Garave.

52.2. Ndërrimet dhe plotësimet e këtyre Propozicioneve miratohen sipas procedurës së njejtë të aprovimit të tyre.

52.3. Interpretimin e këtyre Propozicioneve e jep Bordi i FBK-së, në mënyre direkte apo nëpërmjet të Komisioneve të tij.

52.4. Bordi i FBK-së autorizon dhe obligon Komesarin e Garave të FBK-së që të përpunojë dhe të jep tekstin e konsoliduar të Propozicioneve të garave.

52.5. Këto Propozicione të garave hyjnë në fuqi me miratimin e tyre nga ana e Bordit të FBK-së dhe do të zbatohen për edicionin garues 2018/2019.

Komesar i Garave të Kategorive të Reja
Elldin Uglari

Kryetari i FBK-se
Arben Fetahu